

## OPUNVKV-HERV

# CANE COYVTE.

---

### SETENTVCKE 1.

HVTECESKV omof Opunvkv tates, momen *mv* Opunvkvt Hesaketvmesen vpakvtes, momen *mv* Opunvkvt Hesaketvmese tates.

2 Hvteceskv omof matvwvt Hesaketvmesen vpakvtes.

3 Nanvke omvlkvn mvt hayvtes: momen mvt sekate mv haktv hvmkis hakekates.

4 Mv ofvn hesaketv ocvtes: momen *mv* hesaketvt este en hvyayvke tates.

5 Momen hvyayvket yomuckofvn hvyayakes; momen yomuckatet kerrekates.

6 Hesaketvmese atotet, hunvnwvt, Cane hocetket, huervtes.

7 Matvwvt ohkerkuecvt vlaket omvtes, Hvyayvke ohkerkuecvranatet, mv eteropotten *este* omvlkvt vkv-svmvkvren.

8 Mv Hvyayvke tokates, momis mv Hvyayvke ohkerkuecvranatet *vlakvtes*.

9 Mvt Hvyayvke mehenwet, ekvnvn vlaket este vtekat ohhvyayicat tates.

10 Ekvnyñ arvtes, momet ekvnvn hayet omvtes, momen ekvnvt kerrekates.

11 Enaken em vlakan, enaket evpayvkekates.

12 Momis estomomuset evpayakat, mv e hocefkv oh vkvsvmakat, Hesaketvmese e'ppucetake hakvkepvren yekcetvn e'mvtes:

13 Mv catv es hekat tokon, monkat enavpeswv komat tokon, monkat este komat tokon, momis Hesaketvmese *es hekatēn.*

14 Momen Opunvkv enavpeswv hakvtes, momet, herkv mehenwvu es fvcket, epu 'paket aremvts, (momen en rakke hvnkuse Erke heckuecvte en rakke omēn hecēmvs.)

15 Canet mvn ohkerkuēcet, huehkvtes, Heyvt mv tvn-kes, Cv yupv vlakat vn homahtv hakes, make opunv-yeccvvnke, cv homv tatet ok.

16 Momen es em fvcketv, herkv hvvm hvvm, omv-keyatet pun heckvtes.

17 Vhkv Moses etehoyvnen *Hesaketvmeset* estemen, herkv mehenwv esyomat Cesvs Klist etehoyvnen vlakv-tet ok.

18 Este estomet estofvn Hesaketvmese hecvte sekos; Eppuce hvnkuse heckuecvtet, Erke e hokpe vpikat, mvt ohkerkuecvtes.

19 Momen Celuslme aenkvpvke Plestvlke Lefitvlke esyome, Estimv toyetske haks? kicake em 'pohkvvrane Cusvlke ohtotakof, heyvt Cane em ohkerkueckv tes.

20 Momen ehelaksecekot, e ohkerkuecvtes; momet e ohkerkuecet, Klist toyvkos, *makvtes.*

21 Momen, Naket o haks, monkv? *kicaket* em 'pohakv-tes. Elivs toyetskvh? Mv toyvkos, makvtes. Mv Owlv toyetskvh? *kicakvtes.* Momen, Hekos, *maket em vyoposkvtes.*

22 Momof, Estimv toyetske haks? a pu 'totakan em onvyeyvren. Ceme ec ohfvccv naken maketske haks? kicakvtes.

23 Opunvkv en haket vnrwvn huehke, Hesaketvmese

em vyetv lvpotken hayvkes, makat toyis, owalv Esivs makvte vevkvyen, makvtes.

24 Momen mv vtotvkhoyat Falvsevlke tates.

25 Momen, Monkv, Klist, monkat Eliv . monkat mv Owalv toyetskekon omat, estoman paptisetske haks? kicet, em 'pohakvtes.

26 Canet em vyoposket, Uewvn es paptisit omis: momis hvmket kerratskekot ece 'pakvket hueres;

27 Cv yupv vlake vn homahtv hakat, mvt mv tes, mv em estelepikv sohwnakv en recopvye taye heretv orvkat.

28 Heyv nanvke, Cotvne tvpalv Perepelvn, Cane paptisan momaket omvtes.

29 Rempvkse Cesvs em vlaken Canet hecet, Hecvkes, Hesaketvmese en Yvpefikuce holwvyeckv ekvnn enkvpicat! makvtes.

30 Heyvt mv tes, Cv yupvn hunvnwv vlaket vn homahtv hakes, opunvyecit makvyvnke; cv homv tatet ok.

31 Momen kerrvkvnes: momis Eslevl em ohkerkvren uewvn es paptisit vlakit omis.

32 Momen ohkerkuecet, Puyvfekvt pvce-howe omēt hvlwen a hvtapkt, oh fekhonnen hecvyvnkes.

33 Momet kerrvkvnes; momis mv, Uewv es paptisvs, cv kice vc vtotvtet, Estimvn Puyvfekvt hvtapkt oh fekhonnen hecetskat, mvt mv tes, Puyvfekv Vcakat es paptisat, cv kicvnkes.

34 Momen hecit, Heyvt Hesaketvmese E'ppuce tes, makit kerkuecvyvnks, Canet makvtes.

35 Hvtvm rempvkse Cane en kerrepvlke hokkolen esyomet svpaklvtes:

36 Momet Cesvs yvkapen hecet, Hecvkes, Hesaketvmese en Yvpefikuce! makvtes.

37 Momen en kerrepvlke hokkolat opunayat pohaket, Cesvs vevkvhoyvtes.

38 Momof Cesvs a fulotiket, vevkvhoyen hecvtes, momet, Naken hopoyatske haks? kicvtes. Momen, Lapi, (mv oh yvtekhoyat, Mvhayv maketvt omen,) Estvmvn liketska? makakvtes.

39 Vthoyet, hecvkes, kicvtes. Vthohyet, estvn likat hecakovtes, momet mv nettv em fekhonuvkepvtes, hvse-vkerkv espalat mahet ok.

40 Cane *opunaye* pohahke vevkvhoyvte hvmkat, Simv Petv etecakkat, Vntolu tates.

41 Etecakkat mahusat Simv taten eshecvtes, momen, Mesiv eshēcēs, kicvtes; mv ohyvtekhoyat Klist tes.

42 Momet Cesvs 'sem vlakvtes: momen Cesvs hecof, Simv Convse e'ppuce toyetskes: Sefvs ce kihocvres, kicvtes, mv ohyvtekhoyat, Cvto, maketvt omes.

43 Rempvkse Cesvs Kalvlen vyetvn komvtes, momet Felvpen eshecet, Vc vevkvtes, kicvtes.

44 Momen Felvpe Persitv, Vntolu Petv tepakat eme tvlofv, aosse tates.

45 Momen Felvpe Neranevl eshecet, Moset vhakv ofv *opunvyece coyvte*, momen owalvlke opunvyece coyakovte, Cesvs Nasvlvlke, Cose e'ppuce eshēcēs, kicvtes.

46 Momen Neranevl, Nake heret Nasvlen aosse taye hakes? makvtes. Vhtet, hecvs, Felvpet kicvtes.

47 Cesvs Neranevl em vlaken hecvtes, momet, Heovkes, Eslevlke mehenwe, mv ofv mvkerretv sekati makvtes.

48 Neranevl, Estvmv vten cv kerretska? kicvtes. Cesvs em vyoposket, Felvpe ce'nhuehkeko munken, ke-rakko em vpe elecv liketskof, ce hecvyis, kicvtes.

49 Neranevl em vyoposket, Mvhaya, Hesaketvmese E'ppuce toyetskes; Eslevl em Mekko toyetskes, kicvtes.

50 Cesvs em vyoposket, Ke-rakko em vpe elecvn ce hecvyis, ce kihcikov vkvsametska? Heyv nanvke 'sen rakrvken hecetskvres, kicvtes.

51 Momet, Mehenwvn, Mehenwvn ce kicis, Heyv eryupv hvlwat en hauken *hecet*, este E'chuswv onvpvn Hesa-ketvmese em encelvlket acemecet momet hvtvpecen he-cetskvres, kicvtes.

## SETENTVCKE 2.

MOMEN nettv resvtutcenan etepvyetvt ocvtes, Kenv *tvlofvn* Kalvle *ekvnvn*; momen Cesvs e'cket mvn arvtes:

2 Momen Cesvs en kerrepvlke esyoman *mv* etepvyetvn enhuehhokvtes.

3 Momen pvrko-opuswvt orekon, Pvrko-opuswvn ocvke-kos, Cesvn e'cket kicvtes.

4 Momen, Hoktē, naken etem oceya? hvse-vkerkv cvnaket hvte vlvkekos, Cesvs kicvtes.

5 Naket o estomen ce kicvkis, momecvks, e'cket vtot-kvlken kicvtes.

6 Momen Cusvlke es en hvsvteckv vcvkvyet cvto ue-emvrkvswv faken hokkole monkat tutcene vcvnke vlken mvn vpohoyvtes.

7 Ueemvrkvswvn uewvn fvcfivks, Cesvs kicakvtes. Momen cukfvlvwv vteken fvcficakvtes.

8 Mucv svkahwet, hompetv-rakko em evpayvn es em vpeyvkes, kicakvtes. Momen es em vpeyakvtes.

9 Hompetv-rakko em evpayv mv uewv pvrko-opuswv hakat *lasvtes*, momis estvmvn vtē tat kerrekates, (momis vtotkvke uewv cvwakat kerrakvtes); lahsof, hompetv-rakko em evpayvt hokte epayvrnan enhuehkvtes,

10 Momet, Hvte vlicecef, este vtekat pvrko-opuswv heren a'slicen, em etetayen eskakof, 'sen holwvkusen asli-cvnts; *momis* cemet pvrko-opuswv heran vcayecetsken, hiyomat ores, kicvtes.

11 Heyv nakeskerkv enhvteceskv Cesvs Kalvle *ekvnvn*

Kenv *tvlofvn* momecat, en rakke heckuecvtes; momen en kerrepvlke oh vkvsvmakvtes.

12 Heyv eryupv Kvpvnevn vkhvtapkvtes, eme, e'cke, etecakkakat, momen en kerrepvlken: momet nettv sulkekon mvn fekhonnakvtes.

13 Momen Cusvlke em ohhoyvnkv vwohlice tates; momen Cesvs Celuslvmen ayvtes,

14 Momet cuko-vcakat ofvn wkv, yvpefikv pvcehowe esyome wiyyakat, momen tokunawv esyoposkvke vpoken hecvtes:

15 Momet afushunuke vnvcomen estepketvn es habyof, omvlkv cuko-vcakan sossicvtes, yvpefikv wkv svpvken; momet esyoposkvke en tokunawv a em pvlatet, ohhom petv cektulcecvtes;

16 Momet pvce-howe wiyyakan, Yv nanvken vkuehuecvkes; Cv'rke en cuko neskvculo habyatskvs, kicakvtes.

17 Momen, Cen cuko vyvkhvmketv cv lokes, *make* cokat en kerrepvlket vkerricakvtes.

18 Momof Cusvlket em vyoposket, Heyv nanvke momecetskat eskerkv estomen pu hecvkuecetske haks? kicakvtes.

19 Cesvs em vyoposket, Heyv cuko-vcakat sumecicvkes, momen nettv tutcenen akvwvpares, kicvtes.

20 Ohrolope pale-osten epohkaken heyv cuko-vcakat etohtvrhoyvtes, moman cemet nettv tutcenen akwapetskvr haks? Cusvlket makakvtes.

21 Momis e'na en cuko-vcakan opunvyecet okvtes.

22 Momekv pvsatkan enkvpvket akvwvpikof, en kerrepvlke heyv kicvte vkerricakvtes; momet Cokat momen opunkv Cesvs makvten vkvsvmakvtes.

23 Momen Celuslvmen ohhoyvnkv hompetv-rakkon aret, estet nakeskerkv momen hecakof, sulket e hocfkvn oh vkvsvmakvtes.



- 24 Momis Cesvs em e wikekates, *este* omvlkv kerrekv;  
 25 Momet estimvt este ohkerkuecvre enkusvpkekates;  
 este nake vpikat kerrekv.

## SETENTVCKE 3.

FALVSEVLKET este-hunvwnv, Nekotemvse hocefket, Cusvlke semevpayvt huervtes.

2 Mvt neren Cesvs em vlaket, Lapi, mvhayv Hesaketvmese aenkvpvke toyetskat kerrēs; heyv nanvke eskerkv momecetskat este momeceko tayet okv, Hesaketvmeset vpvket omekon omat, kicvtes.

3 Cesvs em vyoposket, Mehenwvn, mehenwvn ce kicis, Estet svnvcomvn heckekon omat, Hesaketvmese em ohmekketv heceko taves, kicvtes.

4 Este vculehpof, estomet hecke taye haks? svhokkolv e'cke e nvrken ecehyet, hecke taye haks? Nekotemvset kicvtes.

5 Cesvs em vyoposket, Mehenwvn, mehenwvn ce kicis, Este uewv Puyvfekev tepakan es hecket omekon omat, Hesaketvmese em ohmekketv eceyeko tayet os.

6 Enavpeswv es heckat enavpeswvt omen, pūyvfekev es heckat puyvfekev omes.

7 Estomahes kohmetskvs, Svnvcomv heckvranatsket os, ce kicvyat.

8 Hotvle estvmvn komat hotales, momen en hake pohetskes, momis estvmvn vtet ot, estvmvn ayet omat kerretskekos; mv omēt os, Puyvfekev es heckat vtēkat.

9 Nekotemvset em vyoposket, Heyv nanvke estomet mome taye haks? kicvtes.

10 Cesvs em vyoposket, kicvtes, Eslevlke em mvhayvt omat, heyv nanvke kerretskeko haks?

11 Mehenwvn, mehenwvn ce kicis, Mv nake kerreyat  
 Muskokee N. T. 17

opunahoyes, nomen mv nako heceyvtet akerkuecēs, momen akerkueceyan pum esatskekos.

12 Ekvnnv nanvken cem onayvkvyvten vkvsamatskekon omat, hvlwe nanvken cem onayvkvyat estomet vkvsamatskvr haks?

13 Momen este estomet hvlwe tvlofv vkvwvpkvte sekos, mv hvlwe tvlofv ahvtvpkvte, este E'chuswv hvlwe tvlofv likat, *vkvwvpkekaten* omat.

14 Momen Moses vnrwvvn cetto kvwapvte etvpomet este E'chuswv kvwvpkvrant os :

15 Estimvt o estomet oh vkvsamat estemerkekot, hesaketv yuksv-sekon ocvren.

16 Hesaketvmese ekvnnv vnokece mahat hiyomen orvtet omekv : E'ppuce hvmkuse hecknecvte emvtes, mvn estimvt o estomet oh vkvsamat estemerkekot, hesaketv yuksvsekon ocvren.

17 Hesaketvmeset E'ppuce ekvnnv ohfvccecvren ekvnnv a ohtotet omekot, momis mv eteropotten ekvnyv hesakvren *vtotvtet omekv*.

18 Mv oh vkvsamat ohfvccekot os; momis mv oh vkvsvmekat ohfvcce hoyvnet os, Hesaketvmese E'ppuce hvmkuse hecknecvte hocefkvn oh vkvsvmekokv.

19 Momen heyvt ohfvcceekv tes; hvyayvket ekvnnv vlvkes, momis estet yomucken hvyayvke emuntvlen vnokecvktet omes, em vtotketv holwvhoket omekv.

20 Holwvke momecat vtekat hvyayvke en homecet, hvyayvke oh vtekt os, em vtotketv ohkerkvkekaren.

21 Momis fvccetv momecat hvyayvke oh ates, em vtotketv Hesaketvmese eteropotten vtotkvkvte tat kerkvke hakvren.

22 Heyv nanvke renyupv Cesvs en kerrepvlken esyomet Cutev ekvnnv yicvtes; momen vpaket mvn fekhonnet, paptisvtes.



23 Momen Caneu paptisvtes, Envn, Selem tempen, mvn uewvt tayet omekv: momen en yicet, paptiskakvtes.

24 Cane cuko-yekcv hvte vpihokeko emunkekv.

25 Momof naked vpohkvt kvwvpkvtes, hvsvteckv ohfvccvn, Cane en kerrepvlke momet Cusvlke em etenrvwvn.

26 Momen Canen en yicet, Lapi, mv Cotvne tvpalv ece 'pakvnke, ohkerkuecetskat, heevs, mvt paptisen, *este* omvlkvt en yices; kicakvtes.

27 Cane vyoposket, Este naket en hecikekos, hvlwe tvlofv a e'mhoyekon omat, makvtes.

28 Ceme etvwvt a vn kerrvlke toyatskes, Klist toyv-kos, momis ehomv vo vtothoyes, makvyvte.

29 Mv ehiwv taranat ocat hokte-epayvranat tes; momis mv hokte-epayvranat en hesset hueret, pohof afvcketvn es afvckes, hokte-epayvranat em opunvkv en hake svrah-kvn; momēt omekv heyv vm afvcketv esfvckes.

30 Emet ohvtvlkvranes, momis vnet cv yokopvranet os.

31 Hvlwe atatet omvlkv ohfvnket os; estimvt ekvnv enaket on omat, ekvnvlket omet, ekvnv opunvyeet omes; hvlwe tvlofv atatet omvlkv ohfvnket os.

32 Momen naked hecet, pohvtet, mvn kerkuecet os, momis mv kerkuecat estimvt em esekos.

33 Mv kerkueckv em esat Hesaketvmese mchenwe tat em eskerkv vlicvtet os.

34 Hesaketvmese vtotvte Hesaketvmese em opunvkvn opunayet omes: Hesaketvmese Puyvfekcv svkerkekon emet omekv.

35 Erke Eppuce vnokecet ot, nanvke omvlkv e'nke ofvn wikvtet os.

36 Eppuce oh vkvsamat hesaketv yuksv-sekon ocet os; momen Eppuce oh vkvsvmekat hesaketv hehcekos: momis Hesaketvmese en cvpvkktet oh fekhonnes.

## SETENTVCKE 4.

CANE paptisat 'sensulken Cesvs enkerrepvlken hayet,  
paptisen Falvsevlket pohan Pucaset kerret okv,

2 (Cesvs emet paptisekon, en kerrepvlket *paptisaket*  
omisem,)

3 Cutev enkvpaket, hvtvm Kalvlen ayvtes.

4 Momen Semelev ekvnvn 'reteropottvranet omvtes.

5 Momof Semelev tvlofv vlakvtes, Sikv kihocan, ekvnv  
Cekvpe e'ppuce Cose e'mvte vnakvn.

6 Momen Cekvpe em ueenkorkvt mvn likvtes. Monk  
Cesvs ayvtet hotoset omekv, ueenkorkvn oh likvtes;  
momen hvse-vkerkv esepakat mahe tates.

7 Semelevlke hoktet uewvn ascvwvranet vlakvtes:  
Esketvn v'mes, Cesvs kicvtes.

8 (En kerrepvlke hompetv nesvranet tvlofvn vpeyvkepet  
omekv.)

9 Estomēt on Cusvlke toyetskatet esketvn vm 'pohetske  
haks, Semelevlke hokte toyvyan? Semelevlke hoktet  
monkv kicvtes; Cusvlke Semelevlke etohkviketv etem  
ocekot omekv.

10 Cesvs em vyoposket, Hesaketvmese esteman, momen  
estimvt, Esketv v'mes, ce kicat kerretsken omat, em 'po-  
hetskvt omes, momen uewv hesaken ce'mvnt omes,  
kicvtes.

11 Naken u'escvwetv ocetskekos, momen ueenkorkv  
sufket oman, estvnmv vten mv uewv hesake ocetske haks?  
hoktet kicvtes.

12 Pu'rke Cekvpe, mv ueenkorkv pu'mvte, momet eme,  
en hopuetake, momen en wakovleu eskakvte, sen rakkets-  
ket o haks?

13 Cesvs em vyoposket, Heyv uewv eskat vtekat hvtvm  
ewvnhkvres:

14 Momis estimvt o estomet uewv emvyan eskat estofis

ewvnhikekos, momis *mv* uewv e'mvyat uekiwvt eme ofvn hesaketv yuksv sēko vfihne hakvres, kicvtes.

15 Pucasē, heyv uewvn v'mes, cv wvnhkekaren, momet ascvwvranet vlvkvkaren, hoktet kicvtes.

16 Ahyet, ce'hen 'renhohiket, 'res vlvkvs, Cesvs kicvtes.

17 Hokte vyoposket, Cv'he sahsekos, makvtes. Heren opunahyetskes, Cv'he sahsekos, *maketskat*;

18 Ce'hetake cahkepen ocetskvttet omes, momis hvmke hiyome ocetskat ce'he tokot omekv: *mv* tat mehenwvn ohketskes, Cesvs kicvtes.

19 Pucasē, owalv toyetskat hecis:

20 Pu'rkvlke heyv ekvnhvlwen mekusvpakvtet oş: momen Celuslvme *mimvn* este emekusvpkvranet os, makatsket os, hoktet kicvtes.

21 Cesvs kicvtes, Hoktē, heyvn vm vkvsvmvs, heyv ekvnhvlwe tokon, momet Celuslvme tokon, Erken vrak-kuecvranatskat hvse-vkerkv vlakes.

22 Ceme naken *vrakkuecat* kerrekot vrakkuecatkes; pume naken vrakkuceyat kerres; vhesaketv Cusvlke aosset omekv.

23 Momis hvse-vkerkv vlvkvranet os, momen hiyomat *mv* tes, momof emekusapvlke mehenwakat puyvfekev momet mehenwetv ofvn Erken vrakkucevkvranat, Erke *mv* omakat vrakkucevren hopoyet omekv

24 Hesaketvmese Puyvfekev omes: momen cme emekusvpakat puyvfekev momet mehenwv ofvn mekusvpkvranet omes.

25 *Momen* Mesiv, Klist kihocat, vlvkvranet omēn kerris: mvt vlākof, nanvke omvlkv pum onayvres, hoktet kicvtes.

26 Vne, cem punayvyat, *mv* toyis, Cesvs kicvtes.

27 Momof en kerrepvlket yicvtes, momet hokte ete'm punayan estomahes komakvtes: momis, Naken hopo-

yetske haks? monkat, Estoman ete'm punayetske haks?  
estimvt makekates.

28 Momof hokte uestawkv wihket, tvlofvn ayepvtes,

29 Momet, Vhwet, este-hunvnwv nake momvyvte omvlkv  
vm onayan hecvkes: heyvt Klist.toko haks? hunvntaken  
kievtes.

30 Monkv tvlofv asosset, en yicakvtes.

31 Heyv em etenrvwn en kerrepvlket enkusvpaket;  
Pucasē, hompvs, kicakvtes.

32 Momis nake hompetv ocepis, ceme kerratskekon,  
kievtes.

33 Momekv en kerrepvlket ete'm 'pohaket, Este estomet  
hompety.'sem vlahke haks? makakvtes.

34 Cesvs kicakvtes, Vn hompetvt mv a'e vtotvten em  
eyackvn momecit, em vtotketvn esyukpoyvranvyat tes.

35 Hvse ostet vhoske munkes, hiyyo vlvkvrnat, makats-  
keko haks? Hecvkes, ce kicvkis, vfvnnaket cypofvn oh  
hecvkes: entis naklokce es hathaket omekv.

36 Momen naklokce vtelayat feketv en hecket os, mo-  
men em ette hesaketv yuksv-sekon em vtelayet os; foka-  
yat momen vtelayat etepvket afvckvkepvren.

37 Momen heyv ofvn heyv maketv mehenwes, Hvmket  
fokayen, etvt vtelayes.

38 Oh vtotkatskekatet vtelayatskvren ece 'totvkimvts;  
este etvt vtotkvkvttet on, em vtotketvn 'sohceyatskes.

39 Momen Semelevlke mv tvlofv vpokat sulket oh  
vkvsvmakvtes, Nanvke momvyvte omvlkv vm onahyes,  
hokte make kerkuecat omecicen.

40 Momen Semelevlket en yicet, vpvkvket fekhonnvren  
em 'pohakvtes; momen nettv hokkolen fekhonnvtes.

41 Momen ohvtvlakat sulket vkvsvmakvtes, eme mahu-  
sat em opunvkv omecicen,

42 Momet, Mucv vkvsamēs, nake onayetskvte omecice

tolon, momis pume mahusat *opunayat* pohöpëkv, momet, mehenwvn heyvt Klist ekvnv Hesayecvt on kerres, hokten kicakvtes.

43 Momen nettv hokkole renyupvn mvn enkvpaket, Kalvlen oh ayvtes.

44 Cesvs eme mahusat, Owaly em ekvnv ofv vrakketv ocekos, maket kerkuecvtet omekv.

45 Momekv Kalvlen vlakof, Kalvlvket, Celuslvmen hompetv-rakkon aret, nake momecat omvlkvn hecaktet, evpyakvtes: emeu hompetv-rakko oh vpeyaktet okv.

46 Momen Cesvs Kalvle *ekvnv* Kenv *tvlofvn* hvtvm vlakvtes, mv uewv pvrko-opuswv hayvtet. Momen evpayv hvnket mvn arvtes, e'ppucet enokket Kvpynevn wakken.

47 Cesvs Cutev ekvnvn aosiyet, Kalvlen vlakan pohof, oh ayvtes, momet a vk hvtapket, e'ppucen em wicecvren em 'pohvtes; elvranuset omekv.

48 Momof, Nanvke eskerkvn, momet nake estomahvken hecatskekon omat, vkvsahmatskekos, Cesvt kicvtes.

49 Pucasë, a vk hvtvpkvs, hopuewv vuv eleko munken, evpayvt kicvtes.

50 Vyepvs, ce'ppuce hesakes; Cesvs kicvtes. Momen hunvnwv opunkv Cesvs em punayan vkvsamet, ayepvtes.

51 Momen vk hvtapkof, em vtotkvket vnrapet, Ce'ppuce hesakepes, makaket em onvyakvtes.

52 Momof hvse-vkerkv estofv mahen en here hake vye-cicvten em vpohakvtes. Vpvksvnke, hvse-vkerkv eskolv-pakofvn hepctketv epkvpakvnkes, kicakvtes.

53 Momekv hvse-vkerkv matwv mvketeken, Ce'ppuce hesakes, Cesvs kicet okvnke erket kerrvtes. Momen eme mahusat vkvsamvtes, momen en cuko somvlkvt.

54 Cesvs Cutev *ekvnv* enkvpahke Kalvle vlake nakes-kerkv momecat, heyvt esvhokkolat *tates*.

## SETENTVCKE 5.

Herv nanvke renypvn Cusvlke en hompetv-rakko hvmket ocvtes; momen Cesvs Celuslvmen ayvtes.

2 Momen Celuslvme yvpefikv *hute* tempen vkhvse Hepluvlke Persitv kicakat ocvtes, sohvpettv cahkepe ocet.

3 Heyv ofvn *este* sulke mahet, enokhokvlket, turhecv-kekat, en yvkvpkv vnvttakat, enatalakat uewv nekeyvrèn emehakaket lumhvtes.

4 Oketv ocen, encelv mv uewv vk hvtapket, uewv melohlicet omekv. Monk v uewv melohilof, estit o estomet homvn vkeeyen omat, enokketv estomen ocvte *tis* cvfekne haket omvtes

5 Momen este-hunvnwv hvmket wakkvtes, enokkvte ohrolvpe pale tutcenen cenvpohkaken.

6 Wakken Cesvs hecof, hofune mahet omen kerret, *Ce* cvfeknvre ce yace haks? kicvtes.

7 Enokkat vyoposket, Pucasē, uewv melohlof vkhvse a'c vkceyicvre este-hunvnwv ocvks; momis ayvyof, etimvt cv homvn vkhvtapkepet os, *kicvtes*.

8 Ahuyiret, cem pvtakv cahwet, yvkvpvs, Cesvs kicvtes.

9 Momen momat vpakusen este-hunvnwv cvfeknvtes, momet em pvtakv cahwet, yvkapvtes; momen mv nettv fekvpkv *nett* tates,

10 Fekvpkv nettv tes: pvtakv sayetskvre cem etektvn-kekot os, cvfeknihocan Cusvlket monkv kicakvtes.

11 Em vyoposket, Cv cvfeknicatet, Cem pvtakv cahwet, yvkvpvs, cv kihces, kicakvtes.

12 Momof em 'pohakat, Hunvnwv estomēt, Cem pvtakv cahwet, yvkvpvs, ce kihce haks? kicakvtes.

13 Momen mv cvfeknihocat esti tat kerrekates, mvn este tetayet omen, Cesvs etin ayepet omekv.

14 Enypvn cuko-vcakan Cesvs eshecet, Hectv, ce cv-



feknihoces; vnvcomv naoriketskvs, nake 'sen holwvke  
 ee oh vlvkekaren, kievtes.

15 Este-hunvnmv enkvpaket, Cesvt cv cvfeknicet os,  
 maket, Cusvlken em onvyakvtes.

16 Momen monkv Cusvlke Cesvs assecet, elecetv ko-  
 makvtes, fekvpkv nettvn yv nanvke momecekv.

17 Momis Cesvs em vyoposket, Cv'rke vtotke munken  
 hiyomat orët os, momen vnet vtotkis, *kicakvtes*.

18 Monkv Cusvlke ohvtvlaken elecetvn komakvtes,  
 fekvpkv *nettv* kacat tvlkekot, momis, Hesaketvmeset  
 Cv'rke tes, maket, Hesaketvmese etetayen e hayet  
 omekv.

19 Monkv Cesvt em vyoposket kicakvtes, Mehenwmn,  
 mehenwmn ce kievkis, Eppuce entvlkat naken estomeko  
 taves, momis Erke nake momen hecatet *momecet os*;  
 nanvken momecat vtekat, mvn Eppuceu matvpomen  
 momecet omekv.

20 Erke Eppucen vnokecet, nake momecat omvlkvn en  
 kerkuccet omekv; momet vtotketv heyv 'sen rakrvken  
 en kerkucecvres, estomahes komatskvren.

21 Erke pvsatkvte a kvwapet, wenahuecat etvpomen,  
 Eppuce estimvn komat wenahuecet omekv

22 Erke nvpvn ohfvececekot, momis ohfvececkv omvlkvn  
 Eppucen em wiktet omekv:

23 Erke vrakkuecakat etvpomen omvlkvt Eppuce vrak-  
 kuecvkyren. Estimvt Eppucen vrakkuecekon omat,  
 vtotvtet Erken vrakkuecekot omes.

24 Mehenwmn, mehenwmn ce kievkis, Estit vm punv-  
 kvn pohet, a'c vtotvten oh vkvsamat hesaketv emunkvn  
 oces; momet ohfvececkv hvlatkekos, momis elkvn enkv-  
 paket hesaketvn tohtvlkes.

25 Mehenwmn, mehenwmn ce kievkis, Hvse-vkerkv  
 vlakes, momet hiyomat vlvkes, pvsatkat Hesaketvmese

E'ppuce en haken pohvkvrant; momen pohakat weñahokvres.

26 Erke hesaketv eme ofv ocat etvpomen Eppucen hesaketv emeu ofv ocvren e'mvtet omekv.

27 Momet ohfvececkv hayvranaten yekcetvn omvtet omes; este E'chuswvt omekv.

28 Heyv estomahes kohmatskvs, hvse-vkerkv vlaket omekv, mv ofv hopelkv vtèhkat omvlkv en hake pohvkvrant,

29 Momet asossvres; here momecakvte hesaketv akvwvpketvn vkvwvpkaken, naorkakvte ohfvececkv akvwvpketvn vkvwvpkvkvs.

30 Vntvlkusat naken momecvko taves; pohvyatet ohfvececvyet os; momen vm ohfvececkv fvecv't's, nake komepvyat hopoyet omvkok, momis Erke a'c vtotvte koman.

31 Vnet e ohkerkueccpin omat, vm ohkerkueckv fvecekot omes.

32 Hvmket vc ohkerkuecat hueret os, momen mv kerkueckv vc ohkerkuecat mehenwvt on kerris.

33 Cane ohtotatsken, mehenwvn ohkerkuecvtes.

34 Momis este kerkuecat esvkot omes: momis hesahokatskvren heyv nanvken makiš.

35 Kulke vhetke, hvayakat omvnkes; momen en hvayvke vhofunekon es afvcketv vkvsamatske tvnks.

36 Momis Cane en kerkueckv sen rakken ocis; vtotketv poyvranvye Erke v'mvte, mv vtotketv momecvyat mahusat vc ohkerkuecaket omekv, Erket vc vtotvte tat.

37 Momen Erke vc vtotvtet, emet vc ohkerkuecvtet omes. Em opunvkv en hake pohatskvte sekot omet, en heckvu hecatskvte sekot omes.

38 Momen em opunvkv ece 'pike ocatskekot omes, vtotvten oh vkvsamatskekoku.

39 Cokan vketecvks, Mv ofvn hesaketv yuksv-sokon ocēs, komatsken, vc ohkerkueccakat mvt omakekv.

40 Momen a'c oh vwetv komatskekot omes, hesaketv ocatskvren.

41 Este vc vrakkuecvkvren *enkusvpvko*t, em esvkot omes.

42 Momis ce kerrvkit, Hesaketvmese em vnokeckv eco pike ocatskekat *kerris*.

43 Cv'rke hocefkv ofvn vlakis, momen cv yvpayatskekos; etvt cme e hocefkv ofvn vlaken omat, mvn cvpayatskvres.

44 Estomēt vkvsamatske taye haks, vrakkueckv ete'n hopoyepet, vrakkueckv Hesaketvmese tvlkuše aenkv-pakat hopoyatskekat?

45 Erke ehomv epu'nrvpvres; cv kohmatskvs: hvmket cce'nrapvket omes, Moses vfekrakkatske *mahusatet*.

46 Moses vkvsamatskvten omat, vc vkvsamatskvnt os; vc opunvyecet hoccievtēt omekv.

47 Momis hoccican vkvsamatskekon omat, estomet vm opunvkvn vkvsvmatskvr haks?

#### SETENTVCKE 6.

HERV nanvke renypvn, Cesvs Kalvle vkhvsen etohtikvtes, *vkhvse* Tipelevs mv tes.

2 Momen este sulke mahet vcvkvpeyvtes, enokhokan nanvke eskerkvn ohcelayan hecakekv.

3 Momen Cesvs ekvnhvlwe vcemiket, mvn en kerrepvlke vpaket likvtes.

4 Momen ohhojvkv, Cusvlke en hompetv-rakko hvmket, vwolice tates.

5 Monkv Cesvs vfvnnaket, este sulke mahet a oh awen hecof, Tvklke hompvke tayat estvmv vten neseyvr haks? Felvpen kicvtes.

6 Momen heyv kicat eskerretvn komat okvtes, eme tat estomvranat kerrepekv.

7 Felvpet em vyoposket, Tvklke tenelyv cukpe hokkole enrahkv tis em etetayahkekos, cōtkuse vlken ehset o estomis, *kicvtes*.

8 En kerrepvlke hvmket, Antōlu, Simv Petv etecakkatet, *kicvtes*,

9 Capanet likes, ketinv tvklke-vnore cahkepen, momet rvro lopuckuse hokkolen ocet; momis heyv naket o haks, este sulke momat em etenrvwv?

10 Momen, Este tvk vpoyvkes, Cesvs *kicvtes*. Mv mahusat pvhe tayet omekv. Monk v este tvk vpokvtes, em vhonkvtkv cukpe-rakko cahkepat mahet.

11 Momen Cesvs tvklke vnorvke cawvtes, momet ohvksamof, enkerrepvlke vwahlvtes, momen enkerrepvlket tvk vpokan emakvtes; momet rvrou matvpomecvtes, eyacakat vcvkvyen.

12 Momen fvcevkehpf, En wokucke vhoskan vteloyvkes, naket sumkekaren, en kerrepvlken *kicvtes*.

13 Monkv etoh vteloyet, ketinv tvklke cahkepvte hompakvten vhoskat en wokucke svmpv palen hokklohkaken fvcficakvtes.

14 Momen mv estet Cesvs nakeskerkv n momecen hecakofvt, Fvccv mehenwusen heyvt mv Owav ekv n vlvkvrantet os, makakvtes.

15 Momen, yekcetvn es ehset, mekko hayetvn komet, yicvrnan Cesvs keriyet, entvlkuset ekvnhlwe hvvm vcemkvtes.

16 Momen yafkof en kerrepvlke vkhvsen vkhtvpecvtes,

17 Momen perro-cukon vtehiket, vkhvse tvpalv Kv-pvnevn vfvccvn vpeyvtes. Momen yomuckepen, Cesvs em vlvkekates.

18 Momen hotvle rakke hotalat omecicen, vkhvse melohlvtes.

19 Momen vkerkv tutcenat, monkat ostaat mahen kafahkof, Cesvs vkhvse oh yvkapet, perro-cukon vwolicen hecet, penkvlvke tates.

20 Momis, Vne tes; penkahlatskvs, kievtes.

21 Momen vkvsvmet, perro-cuko a oh ceyicakvtes; momen moman vpakusen perro-cuko ekvnn vpeyvte er vcakvtes.

22 Enhvyvtke este vkhvse tvpalv svpaklatet, perro-cuko etv sekon, hymke en kerrepvlke vtebkat tvlken, *hecet*, momet Cesvs perro-cuko vpiket en kerrepvlke vcvkayekon, momis en kerrepvlke entvlkuset vpeyepvten hecakof,

23 (Momis perro-cuko etvt Tipelevs mv Pucase ohkv-same tvklike hompakvte ocat vnakv vwet, yievtes:)

24 Momen Cesvs momet en kerrepvlkeu sekon este hecakof, emeu perro-cuko vtehiket, Cesvs hopoyet, Kv-pvnevn er orievtes.

25 Momet vkhvse tvpalv er eshecakat, Mvhaya, estofvn yvmvn vlaketskv haks? kicakvtes.

26 Cesvs em vyoposket, Mehenwvn, mehenwvn ce kicvkis, Nakeskerkv hecatskvte omecicen cv hopoyet omatskekos, momis tvklike hompet, ce cvporvkate omecicen *omatskes*, kievtes.

27 Hompetv yvmahke tayat em vtotkekot, momis mv hompetv hesaketv emeyuksv-sekat 'roren, *em vtotkvkes*, este E'chuswvt ce'mvkvrnat: mvn Erke Hesaketvmeset eskerkuecvtet omekv.

28 Momen, Hesaketvmese em vtotketv vtotkeyvret, naken estomeyvr haks? kicakvtes.

29 Cesvs em vyoposket, Mv atotvten oh vkvsamatsken omat, mvt Hesaketvmese em vtotketv tes, kievtes.

30 Momekv, Eskerkv naken heckuecetska, hecēt, oh vkvsvmeye tayat? Naken vtotketske haks?

31 Pu'rkvlke vnrwvn manvn hompakvtes, Tvklke hompvke tayat hvlwe vten e'makvtes, *maket*, cokat vevkvyen, kicakvtes.

32 Momeñ Cesvs *kicat*, Mehenwvn, mehenwvn ce kiovkis, Mv tvklke hvlwe atat Moses ce'mvkekatet os; momis Cv'rke tvklke mehenwvn hvlwe vten ce'mvket os.

33 Hvlwe a hvtapkatet, hesaketvn ekvvn ematet Hesaketyese en tvkliket omekv, kicakvtes.

34 Momof, Pucasē, mv tvkliken estofis pu'mvtevs, kicakvtes.

35 Momen Cesvs *opunayatet*, Vnet hesaketv tvklke toyis; este a'c oh atatet, estofvn -elawekon, *este* vc oh vkvsamatet estofvn ewvnhikekos.

36 Momis, Cemet, cv hecatskvnkis, vkvsamatskekos, ce kiovkvyis.

37 Cv'rke a'mvte omvlkv a'c oh awvres; momen este a'c oh atat, estomaten ossihcvkos.

38 Vne komvyat momecvranvyate token, a'c vtotvte komaten momecvranvyatet hvlwe a hvtapkvvytet omekv.

39 Momen heyvt Cv'rke a'c vtotvte komatet os; *este* Cv'rke a'mvte omvlkv hvnkusis sumecievkot, nettv espoken a kvwvpranvyat omes.

40 Momen heyvt a'c vtotvte komatet os, Eppuce hecet, oh vkvsamat vtekat hesaketv emeyuksv-sekon ocvrant os; momen nettv espoken akvwvpares.

41 Momen Cusvlke ecayakvtes, Tvklke hvlwe a hvtapkvte toyis, makaten.

42 Momen, Heyvt Cesvs, Cose e'ppuce toko haks, e'rke, e'cke tepakat kerreyat? momaten estomēn, Hvlwe a hvtapkvvyat tes, maket oke haks? makakvtes.



43 Momekv Cesvs em vyoposket, Ecayet 'sete'm puna-hohyatskvs, kicakvtes.

44 Este estomet vc oh vteko tayes, Cv'rke a'c vtotvtet ahvlvtekon omate: momen nettv espoken a kvwvpares.

45 Omvlkvn Hesaketymeset emvhayvres, make owalvlke coyakvte ofvn hoccet omes. Monkv este vtekat poh-het, Erke en kerrvte sasat a vc oh atet omes.

46 Estimvt Erke hecvtes, makit okvkos, Hesaketymesec aenkvpvkat tvlket, mvt Erke hecvtet omes.

47 Mehenwusen, mehenwusen ce kicvkis, Este vc oh vkvsamate hesaketv emeyuksv-sekon ocet omes.

48 Vnet mv hesaketv tvklike toyis.

49 Ce'rkvlke vnrwvn manvn hompakvtes, momet pvsatkvtes.

50 Heyvt tvkliket, hvlwe a hvtapkt omes, este mvn hompet, elekaranat.

51 Vnet tvklike hesake hvlwe a hvtapktv toyis; este estomet heyv tvklike hompen omat, meyuksv-sekon hesakvres; momen tvklike emvranvyat cv'navpeswv mv ekvnnv en hesaketv vrahkv emvranvyat omes.

52 Monkv Cusvlke 'sete'nrvpaket, Estomēt heyv este e'navpeswv pu'men, papeye taye hakes? makakvtes.

53 Momen Cesvs em punayatet, Mehenwusen, mehenwusen ce kicvkis, Este E'chuswv e'navpeswv pvpekot, e catv eskatskekon omat, hesaketv ece 'pikvkekos, kicvtes.

54 Estimvt cv'navpeswv papet, cv catv esken omate, hesaketv emeyuksv-sekon ocet omes, momen nettv espoken a kvwvpares.

55 Cv'navpeswv mehenwvn hompetvt omen, cv catv mehenwvn esketvt omekv.

56 Estet cv'navpeswv papet, cv catv esken omat, vc ofvn fekhonnet omen, vneu ofvn fekhonnyet omes.

57 Erke hesake likatet a'c vtotvte omen, Erken v he-

sakvyet omes; matvpomen este cv hompatē, mvu vc v hesakvres.

58 Heyvt tvklike hvlwe ahvtaḡkatet omes. Ce'rkvlke manv hompakat momet pysatkat omēkon: este heyv tvklike hompen omate, hesake emunkv tares.

59 Heyv nanvke, Kvvpnevsn senekake ofvn este emv-hayofvt, opunayet okvtes.

60 En kerrepvlke vnvcomet heyvn pohvkvttet, Opu-nkv yekcet omes; estimvt pohe taye haks? maka-kvtes.

61 En kerrepvlket heyvn es ecahoyen, Cesvs emet ker-rof, Heyvt ce 'lentappuecvk haks?

62 Monkv enhomv likvtet este E'chuswv v kvwapken hecātsken omat, *estomvve te?*

63 Puyvfekcvt este wenahuecet omes; *este* enavpeswv naken lopicekos. Opunkv cem punayvkvyatet puyv-fekcvt's, momet hesaketvt's.

64 Momis vkvsvmeko ce sasvket os; kicakvtes. Cesvs enhvteccskvn vteken este estomvket vkvsvmekat kerret estimvt wiyyvranate kerre tatet ok.

65 Momet, Momēt omekv, Cv'rket emet omekon omat, este vc oh vte tetayate sahsekos, ce kicvkit okvyis, kicakvtes.

66 My vtekatē en kerrepvlke vnvcomet fulecvtes, mont svnvcomv vcvkfullekates.

67 Momen Cesvs pale hokkolohkakaten oket, Cemeu vpeyepvranatska? kicakvtes.

68 Momen Simv Petvt vyoposket, Pucasē, estimvn oh vpeyeyvr haks? cemet hesaketv yuksv-seko opunkv ocetsket omes.

69 Momen vkvsamēt, kerrēs, mv Klist, Hesaketvmese hesake E'ppuce toyetskate, kicvtes.

70 Cesvs em vyoposket, Palen hokkolohkakatskan

ce'uhopoykvvyvtet omeko haks? momen hvmkatskat puyvfekev holwvket's, kicakvtes.

71 Cutvse Eskalevt, Simv e'ppucen okvtes, mvt, palen hokkolohkakak hvmkat omet, wiyyvranat omekv.

### SETENTVCKE 7.

HEYV nanvke renyupvn, Cesvs Kalvlen arvtes, Cusvlket clecetvn komet hopoyakat omecicen, Cutevn vretvn komekokv.

2 Momis eto-esse-vpette-es-haye hompetv-rakkot Cusvlke en *hompetv-rakko* vwolice tates.

3 Momekv em etecakketvlket, Yvmv enkvpaket, Cutevn vyvs, cen kerrepvlkeu vtotketv celayetskat hecvkvren, kicakvtes.

4 Este, hecke kerhoyvren cyacet, ehke naken celayate sahsekot ok. Heyv nanvke celayetsken omat, ekvnvn em e heckuecvs, kicakvtes.

5 Etecakkvte tisem oh vkvsvmvkekok.

6 Momen Cesvs, Vm oketv vlvkeko munkes, momiscem cem oketv take tetake emunkvt omes.

7 Ekvnnv cen homecvkeko tetayet omes: momis vnen vn homecet omes, em vtotketvt holwahoket omen ohkerkuecvyet omekv.

8 Heyv hompetv-rakko oh vpeyvkes; heyv hompetv-rakko oh ayvko munkes, vm oketvt oreko munkekv, kicakvtes.

9 Heyv opunvkv kicakof, Kalvlen fekhonnvtes.

10 Momis etecakkvte vpeyofvn, emeu hompetv-rakko oh ayvtes, kerhoyekon, momis ehke omēt.

11 Momen Cusvlke, hompetv-rakko omof hopoyet, Estvn ara? makakvtes.

12 Momen este tetayen opunvkv es ete'm ecakvt ocvtes; Este heret omes, makakat sasen, vpvlwvt, Monks, este ehosicet os, makakateu sasekv.

13 Momisem, estit pohaken opunvyceckates, Cusvlken em penkvlakekv.

14 Momen hompetv-rakko en nvrkvpv orofvn, Cesvs cuko-vcakan ceyet, estemvhayvtes.

15 Momen Cusvlke, em estomahet, E'mvhahoyvte sekot omat, estomēt heyv este cokv kerre haks? makakvtes.

16 Cesvs em vyoposkatet, kicakvtes, Vm mvhakv cvnake tokot omen, momis a'c vtotvte enaket *omes*.

17 Estimvt mv komaten celayen omat, mvhakv kerrvres, Hesaketvmeset ome tat, monkat vntvlket opunayin omat.

18 Estet entvlket opunayen omat, vrakkueckvn e en hopoyet *omes*: momisem este vtotvte vrakkuecetvn hopoyen omat, mvt mehenwvt *omes*, momen fvceetv-tokat vpikekot *omes*.

19 Moses vhakv ce'mvkekat haks? momaten hvnku-satskis vfastatskeket *omes*. Estoman cv 'leevranet es fullatske haks?

20 Este em vyoposkaket, Puyvfekev holwvken ocets-kes; estimvt ce 'lecetvn komet es are haks? makakvtes.

21 Cesvs em vyoposket, kicakvtes, Vtotketv hvnken momehoin, omvlkv estomahes komatsket *omes*

22 Monkv Moses svkvmsiskvn ce'mvkvtet *omes*: (Momis Mose enake tokot, erkvke enaket omvtes:) momaten fekvpkv nettvn hunvnwv svkvmsisatsket *omes*.

23 Mose em vhakv kvckekaren, fekvpkv nettv omof svkvmsiskvn hunvnwvt en hecken omate, hunvnwv fekvpkv nettvn temvpoken cvfeknihavyaten estoman vn homecatske haks?

24 Nake en heckv vcvkvye ohfvcehcatskvs, momis fvccen ohfvcoecvkes.

25 Momen Celuslvmvlke, Elecvrane hopoyakat heyvt mv toko haks? makakat sasvtes.

26 Momis hecvkes, fekhvmket opunayes, momen naken

kihocekot omes. Mvpykvike heyvt Klist mehenwvt on kerrvkepet ome haks?

27 Momis heyv este estvn vtē tat kerrēs: momis Klist vlakofv, nvpvt estvmimvn vte tat kerrekares.

28 Momen Cesvs cuko-vcakan este mvhayofvt, hvmmaket huehkvtes, Cv kerratskes, momet estvmvn vtvyo tate kerratskes, momen vne komvyat tvlket vlaket omvkot omes, momisem a'c vtotvte, mv kerratskekat, mehenwvt omes.

29 Momis vne kerris, mvn aenkvpvket omin, mvt a'c vtotvtet omekv.

30 Momof esetvn komakvtes: momis nvpvt enke oh wvkecekates, em oketvt vlvkeko munket omekv.

31 Momen este sulket oh vkvsvmakat, Klist vlvkofvt nakeskerkv heyv este momecat es en hoyvnen momecyr haks? makakvtes.

32 Falvsevlke este sulket ehkuse nake mv omaken es ote'm punahoyen pohakof, Falvsevlke momen plestvlke en homvhhotvt este-en-wiketvn vtotvtes, eskvren.

33 Momen Cesvs *e'te'm punayet*, Hofunusekon ece 'pakvkvyatet, a'c vtotvten oh ayvranvyet omes.

34 Cv hopoyet, es *cv* hecatskekares, momen estvn likvyate awatskeko tetayes, kicakvtes.

35 Momen Cusvlke ete'm punahoyet, Estvmvn ayet omen, eshecēkar haks? Centilvlke vwahaten oh ayet, Centilvlken emvhayvr haks?

36 Heyvt nak maketv te? Cv hopoyatskis, es *cv* behcatskekos, momet estvmvn likvyat awatskeko tayas, makat, makakvtes.

37 Hompetv-rakko nettv espoke, mv *nettv* rakkate omof Cesvs hueret, Estimvt ewvnhket on omat, vc oh atet, eskepekvs.

38 Estimvt vc oh vkvsamen omat, Cokate vcvkvyen,

e'nvcofvn ucwv hesaket a fihhonvres, maket, huchkvtes.

39 (Momis heyv, oh vkvsvmakat, Puyvfekv en heckvranen opunvyecet okvtes, Puyvfekv Vcakat seko munkekv; Cesvs vrakkueckv seko munkekv.)

40 Monkv heyv opunkvv pohakof, este sulket, Heyv mv Owelv tat mehenwvt's, makakvtes.

41 Vpvlwvt, Heyvt Klist tes, makakvtes. Momis vpvlwvt, Klist Kalvlen aossv haks?

42 Cokat, Klist Tewe honvpsen osset, Tewe likvte, Perehem tvlofvn ossvres, makekat haks? makakvtes.

43 Monkv Cesvs vrahkvn este etekvpvketvt *em* ocvtes.

44 Momen esetvn komakat sasvtes, momis estit enke oh wvkecekates.

45 Momof este-em-wiketvt plest enhomvhhotv, momet Falvsevlken en yicen, Estoman esawatskekisa? kicakvtes.

46 Este-em-wiketvt vyoposkaket, Hunvnwvt heyv hunvnwv *opunvyate* omē opunayvte sekos, kicakvtes.

47 Momof Falvsevlke em vyoposkaket, Cemeu cem ctehoskvke haks?

48 Este 'mvpvke, monkat Falvsevlke oh vkvsvamvke sase haks?

49 Momis heyv este vhakv kerrvkekat ohtvhikvket os, kicakvtes.

50 Nekotemvset, (mv nere Cesvs em vlakvtet hvmkat tot,) *okat*,

51 Pum vhakv, pohet momet naken estomat kerreko munket, este ohfvececet ome haks? kicakvtes.

52 Em vyoposket, Cemeu Kalvlen vtetske te? Vketecet, hecvs; owelv hvmkis Kalvle a ossekot omekv, kicakvtes.

53 Momen este omvlkv en cukon vpeyakvtes.



## SETENTVCKE 8.

Cesvs ekvnhvlwe Olefvn ayvtes.

2 Momen hvthvyvstkusen hvtnm cuko-vcakan vlaket, ecchyet, este omvkvtn en yicen liket emvhayakvtes.

3 Momen cokv-hayvlke Falvsevlke esyomat hokte hoktaren eshoyen 'sen yicvtes, momet en nvrkvpvn licof,

4 Mvhaya, heyv hokte hoktare mvketeken eshēcēs.

5 Momen Moses vhakv ofv, Mv omakat cvton es nvfho-kvkekvs, pu kicvtes: momis ceme. estomēn maketske haks? kicakvtes.

6 Yv *makakat*, eskerret, esvnrvpkvn *hopoyet*, kicakvtes. Momis Cesvs cunehket, enkewesakvn ekvnnv 'soh coyvtes, *nak makakat poheko omēt*.

7 Momen em 'pohakat vvicecvkekon, a lvpotiket, Naorkety oceko ece 'pakvkat tatet cvto 'svfvlekvs, kicakvtes.

8 Momen hvtnm cunehket, ekvnnv oh coyvtes.

9 Momen pohakat em vkerrickvt ohfvececen, veule mahat vliceceet, hvmkvntot osset, pokvtes, momen Cesvs entvlket vhoskvtes, momen hokte nvrkvpvn tvk hueron.

10 Momof Cesvs, a lvpotiket, este sekon, momis hokte tvlkusen hecof, Hoktē, mv ece'nrapvlke estvmvn fulla? este hvmkis ec ohfvececeko? kicvtes.

11 Pucasē, nvpvt *vc ohfvececeks*, makvtes. Momen, Vneu ec ohfvececvkos; vyvs, momet vnvcomv naorikets-kvs, Cesvs kicvtes.

12 Momof Cesvs hvtnm em punvyakvtes, maket, Vnet ekvnnv en hvayayvke toyis; mv a'c cvkayat yomuckofvn ykvpekares, momis hesaketv en hvayayvken ocvres.

13 Momekv, Cemet e ohkerkuecetskes, cem ohkerkueckv mchenwekos, Falvsevlke kicakvtes.

14 Cesvs em vyoposket, kicakvtes, Vnet e ohkerkuecv-yisem, vm ohkerkueckv mehenwet os: estvmvn vtvyvte

tat kerrit, estvmvn ayvyat kerrikv; momis centake estvmvn atvyat, momet estvmvn ayvyat kerratskekot os.

15 Centake enavpeswv vcvkvyen ohfvcecatskes; vne estimvn ohfvcecevkos.

16 Momis ohfvceecin omat, vm ohfvceckv mehenwet os: vne vntvlkekos, momis Erke a'c vtotvten vnen *tepakes*.

17 Hvtvm, Este hokkole kerkuecat mehenwvt os, *maket*, cem vhakv take ofv coket os.

18 Vnet o ohkerkuecvyat hvmkat toyis, momen Erke a'c vtotvtet ve ohkerkuecet os.

19 Momof, Ce'rke ta? kicakvtes. Cesvs vyoposket Centake vne tis, Cv'rke tis kerratskeks; vne cv kerratskvten omat, Cv'rkeu kerratskvnt omekv, *kicvtes*.

20 Heyv opunkv Cesvs cvtokunawv hutén opunayct okvtes, cuko-vcakan estemvhayof: momen estimvt enken oh wvkecekates; en hvse-vkerkvte hvte vlvkeko munkekv.

21 Momof, Ayis, momen cv hopoyatskvres, momet cen naorketv ofvn pvsatkatskvres; estvn ayvyat awatskeko taves, hvtvm Cesvs kicakvtes.

22 Estvmvn ayvyat awatskeko taves, makekv, e elecvt haks? momof Cusvlket makakvtes.

23 Kvncvpv aenkvpvke toyatskes: hvlwe aenkvpvke toyis; ekvnv enake toyatskes; ekvnv enake toyvkos, Cesvs kicakvtes.

24 Monkv, Cen naorketv ofvn ce pvsvtkvkvres; co kicvkvyis, mv toyvyat vkvsvmatskekon omat, cen naorketv ofvn ce pvsvtkvkvret okv.

25 Momof, Esti toyetska? kicakvtes. Momen, Mv enlvteceskv vteke ce kicvkvyvte.

26 Nanvke sulken ec opunvyeckv take, momet *ec* ohfvcecetv take ocis: momis a'c vtotvtet mehenwes; momen nanvke make polvyvtet, mvn ekvnvn 'sem punayis, Cesvs kicakvtes.

27 Erken opunvyecet okat kerrvkekates.

28 Momof, Este E'chuswv kvwahpatskof, *mv* toyvyat, momet vntvlkuset naken momecvkat, momis, Cv'rke v'mvhayvten, heyv nanvken opunayvyat kerratskvres.

29 Momen a'c vtotvtet vc vpaket os; Erket vntvlkusen cv wikekos; mv nanvke afvceccicat momecvye munkvt omekv, Cesvs kicakvtes.

30 Heyv opunvkvn makof, sulket oh vkvsvmakvtes.

31 Momof Cusvlke oh vkvsvmakan *em punayet*, Vm opunkv ofvn fekhonnatsken omat; mehenwusen vn ker-repvlke toyatskes;

32 Momet mehenwvn kerratskvres, momen mehenwvt ce'nrecopkvres, Cesvs kicakvtes.

33 Em vyoposkakket, Eplehame honvpse toyēs, momet upvn en sylvfkeyvte sekos; estomēn, Ce'nrecopkvkvres, maketske haks? *kicakvtes*.

34 Cesvs em vyoposket, Mehenwvn, mehenwvn ce kicvkis, Naorketv momecat vtekat naorketv en sylvfke tes.

35 Momen sylvfke yuksv-sekon cukon liket omeks, momis Eppucet yuksv-sekon liket os.

36 Monkv, Eppucet ce'nrecopvken omat, mehenwvn ce'nrecopkvke tares.

37 Eplehame honvpse toyatskat kerris, momis cv 'lecetvn hopoyatskes, vm opunkv ec ofv take fekhonnetv en sekot omekv.

38 Cv'rke vpake hecvyvtet opunayis, momen cemeu ce'rke vpake hecatskvttet momecatskes, *Cesvs kicakvtes*.

39 Em vyoposkakket, Eplehamet pu'rke tes, kicakvtes. Eplehame en hopuetake toyatsken omat, Eplehame em vtotketvn momecatskēs.

40 Momis hiyomat este mehenwv Hesaketvmese make pohvyvtet cem punayvkvyvten cv 'lecetvn hopoyatskes. Eplehame heyvn momecekates.

41 Ce'rke em vtotketvn momecatskes, Cesvs kicakvtes. Momof, Hoktarkv ofvn pu heckvte tokot os; Erke hvmkusen ocōs, Hesaketvmese, kicakvtes.

42 Hesaketvmese Ce'rke taket on omat, vc vnokecatskēs, Hesaketvmese aenkvpahket, vtvvyvtet omekv; cv fekkomat vtvvyvte tokon momis ēmet a'c vtotvte omes.

43 Estomēt on vm opunvkvn kerratskeko? vm punvkvn pohatskeko tayekv.

44 Ce'rke, puyvfekcv holwakat enake toyatskes, momet ce'rke em eyackvn momecetvn komatskes: enhvteceskv vteken estelecvt omet, mehenwv ofvn huerekates, eme ofv mehenwv sekot omekv. Lvksetvn punayof, enake aossen opunayet os; laksvt omet, *lvksetv* e'rket omekv.

45 Momen vm vkvsvmatskekos, mehenwvn *cem* punayvkikv.

46 Estomatskat naorketvn vc ohfvccecatske haks? Momen mehenwvn opunayin omat, estomēn vm vkvsamatskeko haks?

47 Hesaketvmese enake tat Hesaketvmese em punvkvn apohicet os: monkv apohicatskekos, Hesaketvmese enake toyatskekokv, Cesvs kicakvtes.

48 Momof Cusvlket em vyoposket, Semelevlket omet puyvfekcv holwvken ocetskes, makeyat, tetayen okēko? kicakvtes.

49 Cesvs em vyoposket, Puyvfekcv holwvken ocvkos, momis Cv'rken vrakkuecis, momen cemet vlesketvn vn hayatskes.

50 Momis vrakkueckv e en hopoyvkos: hopoye, ohfvccecat hvmkes.

51 Mehenwvn, mehenwvn ce kievkis, Estimvt vm opunvkvn vcayecen omat, estofvn elkv hehcekos, kievtes.

52 Momof Cusvlket, Hiyomat puyvfekcv holwvken ocetskat kerrēs. Eplehame elet os, momen owalvlken,

moman, Estimvt vm opunvkv vcayecen omat, estofvn elkv lahsekos, maketskes.

53 Eplehame pu'rke, elvte, 'sen rakketske te! momen owalvlkeu pvsvtkes: estimvn e hayetske haks? kicakvtes.

54 Cesvs em vyoposket, Vnet e vrakkuecin omat, vm evrakkuECKV nake tokos: vc vrakkuecat Cv'rke tes; mv pun Hesaketvmeset makatskat.

55 Momis emen kerratskekates: momis kerris: momen, Kerrvk's, makin omat, laksv centake omares: momis kerrit, em opunvkv vcayecis.

56 Eplehame Ce'rke vn nettv hecetv afvcke tates, momet hecet, afvckvtes, *kicakvtes*.

57 Momof Cusvlke, Ohrolope palecahkepat oretskeko munkat, Eplehame hecetskv t haks? kicakvtes.

58 Mehenwvn, mehenwvn ce kicvkis, Eplehame seko munkof, toyis: Cesvs kicakvtes.

59 Monkv cvton ayocet, svfvlkvranvtes: momis Cesvs ehket, cuko-vcakan osiyet, ete'n nvrkvpvn eteropottet ayepvtes.

### SETENTVCKE 9.

MOMET hoyanof, este-hunvnwv turheceko em munkv heckvten hecvtes.

2 Momen en kerrepvlket em 'pohet, Mvhaya, estimvt naorkvtet on ome haks? heyv hunvnwvt, monkat e'ckvlke *naorkvkv tet on*, turhecekot heckvtet ome haks? makakvtes.

3 Cesvs em vyoposket, Heyv hunvnwv naorkvtet, momen e'ckvlket naorkakvten omekos: momis Hesaketvmese em vtotketv eme es kerkvren omes.

4 A'c vtotvte em vtotketvn vtotkvranvyat tvlkus, nettv emunkofvn: neret vlaket os, momof nvpvt vtotkeko taves.

5 Ekvnnv arvyte vtekat ekvnnv en hvyayvke toyis.

6 Hvmmake opunayofvt, ekvvn oh tofiket, tofketvn fakken es hayet, hunvnwv turhecekat *mv* fakken turwvn es en siyyvtes,

7 Momet kievtes, Ayet, vkhvse Silovm *likan* er es okkosvs. Momen ayet, er es okkoset, hece haket er vlakvtes. (Silovm *maketv*, Vtothoye, maketvt's, ohvytek-hoyen omat.)

8 Monkv em vwolicvlke, momen turhecekat homv hecakovte, Este nakvpohet likvnke, heyvt mv toko haks? makakvtes.

9 Heyvt mv tes, makakat sasen, vpvlwvt, Mv en heckv mahus, *makakvtes*. Emet, *Mv* toyis, makvtes.

10 Monkv, Estomēn ce turwv renayakvt haks? kicakvtes.

11 Em vyoposket, Hunvnwv, Cesvs kihocat, fakken hayet, cv turwvn 'sun siyyet, Ayet, vkhvse Silovm *likan* er es okkosvs, cv kicen, ahyit, rokkohsit, cv hece hakes.

12 Momof, Estvn are haks? kicakvtes. Kerrvks, kievtes.

13 Mv turhecekatēn Falvsevlke 'sen yievtes.

14 Momen, *nettvn* Cesvs fakke hayet, turwv en renahuecat, fekvpkv nettv tates.

15 Momen hvvm Falvsevlke estohmet renakv en hecke haket omat em 'pohakvtes. Momen, Fakken cv turwvn 'sun siyyen, okkosvyis, momet hecis, kicakvtes.

16 Momekv, Heyv hunvnwv Hesaketvmese aenkvpvke tokos, fekvpkv nettv vcayecekokv, Falvsevlke vpvlwvt makakvtes. Momen vpvlwvt, Estomēt este-naorkv tat heyv nakeskerkv momece taye haks? makakvtes. Momen este etekvpvketvt *em* ocvtes.

17 Este turhecekan hvvm, Mv ce turwv *cen* renahuecise estomes kicetska? kicakvtes. Owlv tes, makvtes.

18 Mv turhecekatē ohfvccv renakv en heckat Cusvlke



vkvsvmvkekot, mv renakv en heckat e'ckvlken enhohike tvlkvtes.

19 Momet em 'pohaket makakvtes, Heyvt ce'ppuce take, turheceko heckvte makatskat te? momat estomet hiyomat hecet ome haks?

20 E'ckvlket em vyoposkakot, makakvtes, Heyv pu'ppuce tat, momet turhecekot heckvtet omat, kerrēs.

21 Momis nake omecicen hiyomat hecet omat kerrēkos, momet estimvt e'turwv en renahuecat kerrēkos: em vculkv orices: emen em 'pohvkes: e em opunvyepvres.

22 E'ckvlke heyv makakat Cusvlken em penkvlakat okakvtes, Estimvt mvt Klist tat maken omat, senekaken ossihocvres, *maket*, te'm vkvsvmvkepvttet omekv.

23 Momet okv, e'ckvlke, Vculkv orices: em 'pohvkes, maket okakvtes.

24 Momen hvtvm este turhecekatēn enhohiket, Hesaketvmesen vkvsvmvkv ēmvs; heyv hunvnwv naorkvt omen kerrēs, kicakvtes.

25 Em vyoposket, Este-naorkvt ot kerrvks: nake hvmken kerris: cv turhecekot omvnet, hiyomat hecis, kievtes.

26 Naken ce 'stomecvt haks? estomēt ce turwv cen renahuecvt haks? hvtvm kicakvtes.

27 Momen em vyoposket, Cem onayvkin hoyahnes, momen pohatskekises; estoman hvtvm pohvranatska? ceme taken en kerrepvlke haketvn komatska?

28 Momen nakhayekot, Ceme en kerrepv toyetskes: momis pumet Mose en kerrepvlke toyepēs.

29 Hesaketvmeset Moses ete'm punayvtet omen kerrēs: momis heyv estet estvmvn vte tat kerrēkos, kicakvtes.

30 Momen hunvnwvt em vyoposket kicakvtes, Heyv ofvn nake estomahat oces; cv turwvn vn renahuecet oman, estvmvn vtē tat kerratskekat.

31 Mome estomis, Hesaketvmese este-naorkvlke em

vpohicekot omat kerrēs; momis este Hesaketvmese vrakkuecvt ot, nake komaten momecen omat, mvn em vpohicet os.

32 Ekvnnv vlicevte vtekis este turheceko heckvtet este-hunvnwv eturwv en renahuecat pohohvte sekos.

33 Heyv este-hunvnwv Hesaketvmese aenkvpvke tokon omat, naken momeceko tayes.

34 Em vyoposket, Naorketv ofv mvketeken ce heckvtet ot omat, pu 'mvhayetske haks? kihcet, ossicakvtes.

35 Ossicakvten Cesvs pohet, eshecof, Hesaketvmese E'ppuce oh vkvsametske te? kicvtes.

36 Em vyoposket, Pucasē, estimvt mv te, oh vkvsvme-pvye tayat? kicvtes.

37 Momen, Hecetskvtes, momen mvt ce 'tem punayet okes, Cesvs kicvtes.

38 Momen, Pucasē, vkvsamis, maket, vrakkuecvtes.

39 Momen, Ohfveceekvn yvmv ekvnvn vlvkvyet omes, mv hecvkekate hecvkvren, momen mv hecakovte hecvkeko hkvren, Cesvs makvtes.

40 Momen Falvsevlke mv vpvkakak, heyv opunvkv pohakof, Pumeu pu turhecvkeko haks? kicakvtes..

41 Cesvs kicakvtes, Ce turhecvkekot omen omat, naorketv ocatskekvnt os; momis hiyomat, Hecēs, makatskekv, cen naorketv oce munk's.

### SETENTVCKE 10.

MEHENWVN, mchenwvn ce kievkis, Estit yvpefikhute em vhauken eceyekot, etvmin vcemket on omat, mvt horkopvt ot, svpenkvlecvt os.

2 Momis estit vhauken eceyet on omat, mvt yvpefikv-hecicvt os.

3 Mvn vhaukvhecicv en hvwecet os; momen em opu-

nvkv en hake yvpefikv pohaket os; momen en yvpefikv hocefhuecet enhuehket, enhomahtet esosset os.

4 Momet en yvpefikv vpeycicof, ehomvn ayet on, yvpefikv vevkvpeyet os, em opunvkv en haken kerrvket omekv.

5 Momet este kerkekat vevkvpehyekos, momis em pefatkēs, este kerkekat em opunvkv en haken kerrvkekot omekv.

6 Heyv svhopakvn Cesvs es em punayet omvtes; momis nanvke tat kerrvkekates, mv em punayat.

7 Momen Cesvs hvtvm kicakvtes, Mehenwvn, mehenwvn ce kicvkis, Vnet yvpefikv em vhauke toyis.

8 Cv homv yievte omvlkv horkopvlket ot, svpenkvlevlket os: momis vn yvpefikv em apohicvkekatet os.

9 Vnet vhauke toyis: este estomet cv tehoyvnen eceyet on omat, mvt hesakvres, momet eceyet, er aosset, nanopkv hecvres.

10 Horkopv vlvkekos, horkopkvn, eleckvn, momet nak yvmahketvn komeko vtekat: vn yvpefikv hesaketv en heckvkvren vlvkvvytet os, momet sulke mahet en heckvkepvren.

11 Vnet yvpefikvheciē herat toyis; yvpefikvheciē herat yvpefikv vrahkv en hesaketv wvkecet os.

12 Momis este pvlhoyat tat, yvpefikvheciē mahhe tokot, yvpefikv e pucase tokon omat, yvhv vlaken hecis, yvpefikv wihket; letkes, momen yvhvt cawet, yvpefikvn vwaheces.

13 Este pvlhoyat letkes, pvlhoyet omet, yvpefikv senaoricekot omekv.

14 Vnet yvpefikvheciē herat toyis, momet vn yvpefikv kerrin, cvnake cv kerrvket os.

15 Erke cv kerrat etvpomen vneu Erke kerrvyet os: momet yvpefikv vrahkv vn hesaketv wvkecit omis.

16 Momet yvpefikv etv ocvyet os, heyv hute a 'sossat

tokon : mvu 'svlvkvranyet os, momen mvt vm opunvkv en haken pohvkvres, momen fulle hvmkusen, yvpefikvhe-ciev hvmkusvres.

17 Monkv Cv'rke ve vnokecet os, vn hesaketvn wvke-cvyet omëkv, hvtvm eseparet.

18 Este estomet vm esekot os, momis vne mahusatet wvkecvyet os. Wvkecetv yekcetv ocvyet os, momet hvtvm esetv yekcetv ocvyet os Heyv vhakv Cv'rket v'mvtet os.

19 Monkv hvtvm Cusvlke etekvpvketvt em ocvtes, heyv opunvkv omecicen.

20 Momen sulket, Puyvfekcv holwvken ocet, hacohakes; estoman em vpohicatske haks? makakvtes.

21 Vpvlwvt, Heyvt puyvfekcv holwvke oce em opunvkv tokos. Puyvfekcv holwvket turhecvkekat e turwvn renahuece taye haks? makakvtes.

22 Momen *mekusvpkv* hompetv-rakkot, Enkinev kiho-cat, Celuslvmen ocvtes, momen rvfo tates.

23 Momen Cesvs cuko-vcakan, Salomv 'sem ohvpettv *kicetvn* yvkapvtes.

24 Momen Cusvlke yicet vnvkaftvtes, momet, En hofune estomën vkvsvmëkon pu hayetske haks? Klist toyetsken omat, kerkv heren pum onvyvs, kicakvtes.

25 Cesvs em vyoposkaket, Cem onayvkÿyis, vkvsvmats-kekis : vtotketv Cv'rke e hocefkv ofv vtotkvyat, mvt ve ohkerkuecvket os, kievtes.

26 Momis vkvsvmatskekos, vn yvpefikv vpvke toyats-kekokv, ce kievkvyat etvpomen.

27 Vn yvpefikv vm opunvkv en haken pohvket os, momen kerrakin, ve vevkvpeyet os :

28 Momen hesaketv yuksv-sekon emakvyet os, momen estofis estemerrahkekos, momen nvpvt cv'nke 'svm ossi-ceko tayet omvres.

29 Cv'rke, v'mvte tat, omvlkvn 'sen rakket os: momen estimvt Cv'rke e'nke 'sem ossice tayat yekcetv ocekot os.

30 Vne Cv'rke tepakeyat hvmkusēs.

31 Momen Cusvlke, cvton es nvfketvn *komaket*, hvtvm cvto cvwakvtes.

32 Cesvs em vyoposket, Vtotketv herake sulken Cv'rke aenkvpvke ce hecičvkvyēs; inv *vlotketv* estomaten cvto es cv nvfkatske haks? *kicvtes*.

33 Cusvlke em vyoposket, Vtotketv herat *tat* cvto es ce nvfkēkos: momis Hesaketvmese tvklecetskat omeci-cen, momet, este toyetskatet, Hesaketvmese e hayetskekv, kicakvtes.

34 Cesvs em vyoposket, *kicvtes*, Hesaketvmese toyatskes, mahkis, cem vhakv take ofvn es hoccet omeko haks?

35 Hesaketvmese em opunvkv em vlakvten hesaketvmese taken kicvten omat, momen Cokat kvckekeo tetayen *omat*,

36 Hesaketvmese E'ppuce toyis, ce kicvkikv, Erke vcake haye, momet ekvnnv atotvte huerat, Hesaketvmesen tvklecetskes, kicatske haks?

37 Cv'rke em vtotketv taken momecvkot on omat, vm vkvsahmatskvs.

38 Momis momecin omat, vm vkvsvmatskeko estomis, vtotketvn vkvsvmvkes, Cv'rke vnen vc vpiket omen, vneu emen vpikvyet omen kerret, vkvsvmatskvret.

39 Monkv hvtvm esetvn kōmakvtes: momis enke em ossakvtes.

40 Momet Cotvne tvpalvn ahyet, enhvteceskv Cane *este* paptisvte ocan er oret, mvn fekhonnvtes.

41 Momen sulket vfullet, Cane tat nakeskerkv momecekatet os, momis Cane heyv este opunvyecvte omvlkv mehenwvt os, makakvtes.

42 Momen mvn sulket oh vkvsvmakvtes.

## SETENTVCKE 11.

Momof este-hunvnwv Pervnvlke, Lisvle *hocefket*, enokke tates: *Pervne* Mele Mare etecakkaten eme tvlofv tates.

2 *Mv* Melet omvtes, vfekv Pucase es em vfeye, e'le e'kvesse es en hvsvtecvtu mv e 'cerwv Lisvlet enokket ot omat.

3 Monkv e wrntaket ohtotakvtes, Hecvs, Pucasø, mv vnokecetskat enokkes, makaket.

4 Cesvs pohof, Heyv enokketv elkv orekot os, momis Hesaketvmese vrakkueckv vrakkv tes, mv eteropotten Hesaketvmese E'ppuce vrakkuehocvren, makvtes.

5 Momen Cesvs, Mare, momen etecakkat, Lisvle esyo-man vnokecvke tates.

6 Monkv enokkvuiken pohof, mata likvtet nettv hokkolen fekhonnvtes.

7 *Mv* hoyanof, Cutevn hvtnv vpeyvkeres, enkerrepvlken kievtes.

8 Enkerrepvlket okat, Mvhaya, Cusvlket hvte vwole cvton es ce nvfketvn komakvnks: moman hvtnv mvn ayvranetske haks? kicakvtes.

9 Cesvs vyoposket, Nettv hvmtat hvse-vkerkv palen hokkolohkakket omeko haks? Estet nettvn yvkapen omat, elentappekos, heyv ekvnv en hvayyvken hecekv.

10 Momis estet neren yvkapen omat, elentappes, hvayyvket vpikekot omekv, *kievtes*.

11 Heyv nanvken makvtes: momen erenyupv, Pun hesse Lisvle nocet omes: momis nocan vhonecicaret ayvyet os, makvtes.

12 Momof en kerrepvlket, Pucasø, nocet on omat, en hervres, makakvtes.

13 Momis Cesvs em elkv opunvyecet okvtes: momen, Fekapet nocet on okes, komakvtes.

14 Monkv Cesvs *em punayat*, kerkusen, Lisvle elet os.



15 Momen ece 'rahkv taken vrvkate vc afvckes, vkvsamatskvren; mome estomis oh vpeyvkeres, kicakvtes.

16 Momof Tamvse, Tetemvse kihocat, kerrepvlke em etohkvketvn kicvtes, Pumen vpeyvkeres, vpaket psvtkeyvret.

17 Cesvs vlakof, entis en sepvkv ofv nettv osten wak-kepen kerrvtes.

18 Momen Pervne Celuslme em vwolet omvtes, vkerkv hokkolet mahet.

19 Momen Cusvlke sulket Mare Mele tepakan en yicvtes, e'cerwv ohfvccvn emahlvptvret.

20 Momen Mare Cesvs vlakvcuken pohan vpaket, vnrvpvrane ayvtes; momis Mele fekhonnet, cukon likvtes.

21 Momen Maret Cesvs em punayet kicvtes, Pucasē, yvmvn aretskvten omat, cv 'cerwv elekvnt os.

22 Momen hiyome estomis, Hesaketvmese nak estomen em 'pohetskat Hesaketvmese ce'mvret on kerris.

23 Ce 'cerwv hvtvm akvwvpkvres, Cesvs *Maren* kicvtes.

24 Maret *a em punayet*, Nettv-espoke akvwvpketv omof hvtvm akvwvpkvret on kerris, kicvtes.

25 Cesvs Maren *em punayat*, Vnet akvwvpketv toyit, hesaketv toyis: estimvt vc oh vkvsamat, elvtet o estomis, hesakvres.

26 Momen estimvt o estomis wenaket, vc oh vkvsamat, estofis ehlekos. Heyv vkvsvmetske te? kicvtes.

27 Maret em punayat, Henka, Pucasē, Klist Hesaketvmese E'ppuce ymvv ekvnn vlvkvravte toyetsken vkvsamis, kicvtes.

28 Momet, mvn momēn mahkof, ayet, etecakkat Melen ehken enhuehkvtes, Mvhayvt vlvkes, momet ce'nhuehkes, kicet.

29 Mvn pohan vpaket, *Melet*, lvpken ahuyiret, a oh atvtes.

30 (Momen Cesvs tvlofv a eceyeko munket, mv Mare er vnrapvte tan fekhonne tates.)

31 Cusvlke mv emvhlvpvtake vpake cuko ofv vpokat, Melet lvpecicet ahuyiret, ossen hecakof, vcvkvpeyvtes, Sepvlkvn oh ayet er hvkihkvranet os, makaket.

32 Momis Mele, mv Cesvs fekhonnan vlaket, hecof, e'len v tvk lvtiket, Pucasē, yvmvn aretskvten omat, cv 'cerwv elekvnt os, kicvtes.

33 Momen Melo hvkihken, Cusvlke vpvke yicateu hvkih-hoken Cesvs hecof, puyvfekcv ofvn hihket, fekherekates.

34 Momet, Estvmvn wvkecatskvka? kicen, Pucasē, ahtet, hecvs, kicakvtes.

35 Cesvs hvkihkvtes.

36 Momen Cusvlket, Hecvkes, vnokecc heraten! makakvtes.

37 Momen, Heyv hunvnwv turhecvkekat tis en renahuecet ont omat, heyv este-hunvnwv elekare tayen hayeko tayvt haks? makakat sasvtes.

38 Monkv Cesvs hvtym eme ofvn hihket, sepvlkvn vlakvtes. Cvtohouket omen. cvtot oh liket omvtes.

39 Cvton vkueyicvks, Cesvs kicvtes. Maret, mv elat c'wvnwvt, Pucasē, hiyomat fvmpepes, *elute* nettv ostekv, kicvtes.

40 Momen Cesvs em punayat, Vkvsvmetsket on omat, Hesaketvmese en rakke hecetskvres, ce kicvkisa? *kicvtes*.

41 Monkv ele wakkat cvton vkueyicakvtes. Momen Cesvs e turwv hvlwen v kvwapket, Cv'rkē, ece 'kvsamis, vm vpohihcetskekv.

42 Momet estofis vm vpohicetsket omat kerryis, momis este heyv svpaklat pohet, cent a'c vtotetskvttet omat kervkepvren okvyis, makvtes.

43 Momet hiyomēn opunahyof, yekcicet huehket, Lisvlē, aossvs, makvtes.

44 Momen elvte aossvtes, hopele vcceckv enke eleu es vpvllvket, momen e turofv enockuce es vpvllvket. Enre-cohpatsken, vyepekvs, Cesvs kicvtes.

45 Monkv Cusvlke Mele en yice, Cesvs nanvke momecan hecakat sulket oh vkvsvmakvtes.

46 Momis vpvllvwt, F'altvsevlken oh vpeyet, nanvken Cesvs momecat en kerkuccakvtes.

47 Momof plest enhomvhhotv, F'altvsevlke esyomat tekueketvn nvkaftcet, okat, Naken estomēceya? Heyv hunvnrwv nakeskerkv sulken momecat ok;

48 Hiyomēn wikēn omat, este omvlkv oh vkvsvmvkvres, momen Lomvlket yihcet, pum etvlwv ekvnv tepaken pu 'konahvres, makakvtes.

49 Momen hvmket, Kiefvse hocetket, mv ohrolopen plest enhomahtv hvlwat omet, *em punayat*, Naken ker-ratskekot os;

50 Momet este hvmket este em elaten, etvlwv omvlkv yvmahkeko tayet; es pun here tayet omat, vkerricatskekot os, kicakvtes.

51 Heyv emet e opunvyecet okekates, momis mv ohrolopen plest enhomahtv hvlwat omekv, Cesvs mv etvlwvn em elvranet omen;

52 Momet mv etvlwv tvlkekon, momis Hesaketvmese en hopuetake vwahat omvlkv hvmkusen etoh vteloynvranan owalet okvtes.

53 Momen mv nettv vteke ayat elecetvn komet, etempunahoyakvtes.

54 Momekv Cesvs Cusvlke hecke vpake vreko hakvtes; momis vnrwv vnakv ekvnv likan ayet, tvlofv Eflvm kicetvn eceyvtes, momet mvn en kerrepvlke esyomat fekhonnvtes.

55 Momen Cusvlke em ohhoyvnkv tvwolve tates; mo-

men este sulket, ohhoyvnkv hvte oreko munken, Celuslv-men vpeyvtes, e hvsvtecvkvrane.

56 Monkv Cesvs hopoyakvtes, momet cuko vcakat ofv svpaklet, Estomen vkerricatske haks? hompetv-rakko vlvkekares *komatske haks?* maket etempunahoyvtes.

57 Momen plest enhomvhhotv Falvsevlke esyomat, este estomet estvmvn hecke tayen kerren omat, onayen, ese tayat opunvkv ossicet omvtes.

### SETENTVCKE 12.

MOMEN ohhoyvnkv oreko nettv epakat vhoske munken, Cesvs Pervnen er orvtes, Lisvle pvsatkat a en kvwapvte likan.

2 Mvn yafke hompetv-rakkon en hayakvtes; momen Maret ohvfastvtes; momis Lisvle Cesvs vpvke hompvrane vpokan hvmkat tates.

3 Momen Mele, vfekv espeknv *kihocet*, vcake heren, vtarkv hvmken ohmet, Cesvs elen 'sen' siyyet e'kvessen 'sen' hvsvtecvtes: momen mv vfekv en fvmece cuko fackvtes.

4 Momof en kerrepvlke hvmket, Cutvse Eskalevt, Simv e'ppucet, wiyyvrane hueratet,

5 Estoman heyv vfekv tenelyv cukpe tutcenen wiyyet, estemerrakan emhoyekvt haks? makvtes.

6 Heyv makat este estemerrakan senaoricet okkates; momis horkopvt omet, sukevn esaret omet, momet nake vtehkan esaret omekv okvtes.

7 Momis, Naorihcatskvs, cv herihocvrane nettv vrahkvn heyvn vcayecvtet os.

8 Estemerrakat ece'pakovke ocatske munkvt omen, momis vntat ocatske munkv tokot omekv, Cesvs kievtes.

9 Monkv Cusvlke sulket mv fekhonnat tat kerraket, a

oh vwakvtes, Cesvs vrahkv tvlkekon, momis Lisvle pvsatkat a en kwapvte hecetv *komat omakvtes*.

10 Momen plest enhomvhhotvt, Lisvlen elecetvn komet, tempunahoyvtes:

11 Mv omecicen Cusvlke sulket vpehyet, Cesvs oh vkvsvmvkepekv.

12 Rempvksen este sulket hompetv-rakkon yicet, Cesvs Celuslvmen vlakvcuken pohakof,

13 Talv elvccen es cahwet, vpeyvtes, vnrvpvranet, momet huehoket, Hosanv! Eslevl em mekko, Hesaketvmese hocfkv ofv vlakat vkvsvmket omes, makaket.

14 Momen Cesvs corakko-wakv mvnettusen eshecof, mvn ohlikvtes, Cokat *hvmmakat* etvpomet.

15 Ce penkahlates, Sivr e'chushokte toyetskat; hecvs, cem Mekko vlakes, corakko-wakv e'chuswvn ohliket.

16 En kerrepvlke heyv nanvke kerrvkekates, enhvteceskv; momis, Cesvs vrakkuehohcof, heyv nanvke emen opunvyecet cokat omen, momen heyv nanvke em momecavten, vkerricavtes.

17 Momekv mv este, Lisvle enhohike en sepvkv aossice pvsatkat a en kwapof vpvkakät, kerkuecavtes.

18 Heyv omecicen estet er vnrvpavtes; momen heyv nakeskerkv, momecvtan pohvket ok.

19 Nake estomatskekat hecatska? Falvsevlket ete kicavtes. Hecvkes, ekvnnv omvlkv vcvkvpeyepes.

20 Momen *Hesaketvmese* vrakkuecvrane hompetv-rakko yican Klekvlket vpvke tates;

21 Monkv matvwvt, Felvpe Kalvle *ekvnnv* Persitv *tvlofv* aossan en yicet, Pucasē, Cesvs hecetvn komēs, kicavtes.

22 Momen Felvpet vlaket, Antolun em onayvtes; momen hvtvm Antolu Felvpen tepaket Cesvs em onayavtes.

23 Momen Cesvs em vyoposkakēt, Hvse-vkerkv vlvkes, este E'chuswv vrakkuehocvranat, makvtes.

24 Mehenwvn, mehenwvn ce kievkis, Teleko nerkv ekvnv oh lvtiket lekweko vtekat emunkis, entvlkuset liket os: momis lekwen omat, em ette sulken hayes.

25 Estimvt en hesakētv vnokecat sumecievres; momis estimvt en hesakētv en homece yvmv ekvnv *huerat*, hesakētv yuksv-sekat roren vcayecepvres.

26 Este vm vtotken omat, vc vcvkvyekvs: momen estvmvn likvyat, mvn vm vtotkv likvres: momen este vm vtotken omat, mvn Cv'rkēt vrakkuecvres.

27 Hiyomat vm puyvfekv fekherek's, momen naken makar haks? Cv'rkē, heyv hvse-vkerkv enkvpvken cv hesayecvs; momis heyv vrahkvn heyv hvse-vkerkvn vlakvyet os.

28 Cv'rkē, ce hocēfkvn vrakkuecvres. Momof opunkv en hake hvlwe atatet vlakvtes, Vrakkuecvvtet omet, hvvm vrakkuecares, *maket*.

29 Momekv mv este vnakv svpakle pohakat, Tenetikes, makakvtes: vpvltaket, Encelvt em punayet os, makakvtes.

30 Cesvs em vyoposket makvtes, Heyv opunkv en hake vc vrahkvn vlakēt omekos, momis ece 'rahkv taken *omēs*.

31 Hiyomat heyv ekvnv ohfvccet os: hiyomat heyv ekvnv em mekko ossihocvres.

32 Momen ekvnv enkvpvken cv kvwvphoyen omat, *este* omvlkvn a e oh hvlvtares.

33 Heyv makat elkv estomen elvranat kerkueccat okvtes.

34 Estet em vyoposkakāt, Klist hesake emunkvt os, vhakv aossen *makat* poheyvtet os, momen estomēn, Este E'chuswv kvwvpkvrānet os, maketske haks? Heyv este Echuswvt estimvt o haks? *kicakvtes*.

35 Hvte vhofunusekon hvyayvke ece 'pakvket os. Yvkvpvks, hvyayvke ocatskof, yomucket ec oh vlakvke-karen; yomucke ofv yvkapat estvmvn ayat kerrekot omekv.

36 Hvyayvke ocatskof, hvyayvke ofvn vkvsvmepvks, hvyayvke en hopuetake toyatskvret, momof Cesvs kicakvtes. Heyv nanvken Cesvs opunahyet, enkvpaket em ehkakovtes.

37 Momis nakeskërkv sulke moman ehomv momecet omis, oh vkvsvmvkekates:

38 Esivs owalv nak makvte esohfvckvren, Pucasë, estimvt nake kerkueccyat vkvsamvt haks? momen estimvn Pucase e'nke *en nekekv* estimvn hecihocvt haks? *make* opunayat.

39 Momekv oh vkvsvmvkeko tayvtes,

40 E turwv hecvkekon hayet, e feke en wvnwvheces, monkon omat, e turwv es hecet, e feke es kerret, fulotecen, em wicecvkvye tayen, Esivs hvtvm *opunayet*, makvtet omekv.

41 Esivs heyv nanvke makat, en rakken hecet, opunv-yecofvt okvtes.

42 Mome estomis evpayvlke rvkrakat sulket oh vkvsvmakvtes, momis Falvsevlke omecicen kerkuecvkekatës, senekaken sossihocvkekaren.

43 Este vkvsvmvkvre *mimvn* Hesaketvmese vkvsvmvre 'semuntvlen vnokecvket omakekv.

44 Cesvs huehket makvtes, Estimvt vc oh vkvsamat, *vnen* vc oh vkvsamet omekos, momis a'c vtotyten oh *vkvsamet* omes.

45 Momen ëstimvt cv hecat a'c vtotyten hecet os.

46 Vnet hvyayvke ekvvnv vlvkvyet os, estimvt vc oh vkvsamat yomuckofv fekhonnekaren.

47 Momen este vm opunvkv pohet, vkvsvmekat ohfvc-



cecvkot os; okvnnv ohfvccecvranit vlakit omvкот, momis ekvnnv hesayecvranit *vlakit omekv*.

48 Estimvt, vm opunvkv esekot, vc vhepaken omat, hvmket ohfvccecat ocet os; opunvkv opunayvyvtet, mvt ohfvccecvres, nettv espoken.

49 Vntvlket opunayet okvkos, momis Erke a'c vtotvtet, emet vhakv v'mvtet os, naken makvranvyat, momet naken opunvyvranvyat.

50 Momen em vhakv hesaketv yvksv-sekot omen ker-ris: momekv naket o estomen opunayvyis, Erke cv kicvte etvpomen opunayvyet os.

### SETENTVCKE 13.

MOMEN ohhoyvkv hompetv-rakko oreko munken, heyv ekvnnv osiye, Erke oh vyepvranat en hvse-vkerkv vlaken Cesvs kerret, cnake ekvnnv fullaten vnokecvtet, eyuksv roren vnokecvtes.

2 Momen hompetv hoyahnof, puyvfekv holwakat Cuvse Eskalevt, Simv e'ppucen wiyyvren e feken en pih-ken,

3 Cesvs Erket nanvke omvlkvn e'nke ofvn wiken ker-ret, momet Hesaketvmesen aenkvpvktet ot, Hesaketvmesen oh ayepvranat *kerret*,

4 Hompvte ahuyiret, kapv etvn kayvtes, momet turof-eshvsvteckvn cahwet, es e wvnakvtes.

5 Mohmof uewvn pvlvkvnnv a vcahnof, en kerrepvlke e'len em okkosetvn momet turofeshvsvteckv es e wvna-katet es en hvsvtecetvn vlicevtes.

6 Momof Simv Petvn em vlakvtes: momen Petvt, Pucasē, cv'le vm okkosetske haks? kicvtes.

7 Cesvs em vyoposket kicvtes, Nake momecvyat hiyo-mat kerretskekos, momis heyv cryupvn kerretskvres.

8 Cv'le estofis okkohsetskekos, Petvt kicvtes. Cesvs

em vyopōsket, Ec okkosvkon omat, ece 'rahkv ve vpv-yetskekos, *kicvtes*.

9 Pucasē, cv'le tvlkekon, momis cv'nken, cv'kvu, Simv Petvt kicvtes.

10 Este vklopet on omat, e'le tvlket okkosvre em vhoskes, momen hvmkvt hvsvtket omes; momen ce hvsvthvkvkes, momis omvlkek's, Cesvs kicvtes.

11 Estimvt wiyyvranat kerrekv, Omvlkv ce hvsvthvkvket ot omekos, maket okvtes.

12 Momekv ele em okkosahkof, en kapv cahwet, hvtvm lihket, Naken cem momecvkvyat kerratske haks? kicvtes.

13 Mvhayv momet Pucase cv kicatskes, momen tetayen okatskes, *mv* toyikv.

14 Monkv vnet, Pucase *tat*, momet mvhayv toyvyat, ce'le *cem* okkosvkin omat, centakeu ce'le etē'm okkosvranatsket os.

15 Vhayetvn ce'mvkvyet omekv, cem momecvkvyat etvpomen momecatskvren.

16 Mehenwvn, mehenwvn ce kicvkis, Vtotkv e pucasen 'sen rakkekot os, momen vtothoyat vtatat 'sen rakkekot os.

17 Heyv nanvke kerratsken omat, cen hervket os, momecatsken omat.

18 Omvlkatskan. ec opunvyecvkit okvkos. Estimvn enhopoyepvyvte tat kerris, momis Cokat esohfvckvren, Mv ve vpyke tvklike hompat ve vnrvpn e'leceskv kvwapvtes.

19 Momen hvte hoyvneko munken cem onayvkis, eshoyahnof, vnet mv toyvyat vkvsvmatskvren.

20 Mehenwvn, mehenwvn ce kicvkis, Estimvt vtotvyan evpayen omat, vnen cv yvpvyet os; momen estimvt *vnen* cv yvpayen omat, ve vtotvten evpvyet os.

21 Cesvs heyv mahkof, puyvfekcv ofvn fekherekot,

kerkuecet makvtes, Mehenwvn, mehenwvn ce kicvkis, hvmkatskat cv wiyyvranatskes.

22 Momen en kerrepvlket estimvn opunvyecet okat en kerkvkekot, eto hecakovtes.

23 Momen en kerrepvlko hvmke, Cesvs vnokecat, Cesv e hokpen vccakovtes.

24 Momekv Simv Petvt, estimvn opunvyecet okat em 'pohvren enken es em vhopayvtes.

25 Momof Cesvs e hokpen vccaket, Pucasē, estimvt o haks? kicvtes.

26 Hompetvn esvklihcvyof, estimvn e'mvyat, mvt mvtes, Cesvs vyoposket *makvtes*. Momen esvklihcof, Cutvse Eskalevt, Simv e'*ppucen* emvtes.

27 Momen pahpof, puyvfekv holwakat eceyvtes, momen, Mv momecvranetskat, lvpken momecvs, Cesvs kicvtes.

28 Momen ohhompety vfulotakat, nvpvt kerrekates, estoman heyv em punayet okat.

29 Cutvse sukevn ocet ok, *Nake* hompetv-rakko pu yacan nesvs, Cesvs kicet okes, monkat naken estemerrakan emvren *okes*, komakat svset omekv.

30 Momen hompetv en hecan vpakusen ossvtes. Momen nere tates.

31 Momekv osiyof, Mucv este E'chuswv vrakket os, momen Hesaketvmeset eme ofvn vrakket os, Cesvs makvtes.

32 Eme ofvn Hesaketvmeset vrakken omat, Hesaketvmeseu vrakkuecvres eme ofvn, momet lvpkusen vrakkuecvres.

33 Hopuetakucē, hvte hofunnusekon ece 'pakvkit omis. Cv hopoyatskvres, momen, Estvn ayvyat vwatskeko taves, Cusvlke kicvyvnke etvpomen hiyomat ce kicvkvyet os.

34 Vhakov mucvsen ce'mvkis, Ete 'nokecatskvren; ece nokecvkvvte etvpomen, centakeu ete 'nokecatskvren.

35 Vnokeckv ete'm ocatsken omat, heyvn *este* omvkvv es kerrvkvres, vn kerrepvlke toyatsket omat.

36 Pucasē, estvmvn ayetska? Simv Petvt kicvtes. Estvmvn ayvyat hiyomat vc vcvkayetskeko taves, momis eryupvn vc vcvkayetskvres, Česvt em vyoposket *kicvtes*.

37 Pucasē, estoman hiyomat ece 'cvkayvko taye haks? Vn hesaketv ece 'rahkv wvkecares, Petvt kicvtes.

38 Cen hesaketv vc vrahkv wvkecetskvv haks? Mehenwvn, mehenwvn ce kicis, Tottolose hakeko munken vtut-cenv vc vrahkv ehelvksecetskvres, Česvt em vyoposket *kicvtes*.

#### SETENTVCKE 14.

Cæ feke cen naorvkates; Hesaketvmese oh vkvsamatskes; vneu vc oh vkvsvmvkes.

2 Cv'rke hute ofv liketv sulket os; monkatan omat, cem onvyvkvyvnt os. Liketvn cem etetakuecvranvkit ayis.

3 Momen ayit, liketvn cem etetakuecvkin omat, hvttm 'rvlakit, ce yvpvyvkares: vnet estvmvn likvyat, cemeu mvn vpokatskvren.

4 Momen estvmvn ayvyat kerratskes, momet vyetv kerratskes.

5 Pucasē, estvmvn ayetskat kerrēkos, momat estomet vyetv kerreye taye haks? Tamvset kicvtes.

6 Vnet vyetv toyit, mehenwv toyit, hesaketv toyis; este estomet Erke oh vtekot omes, *vnen* cv tehoyvne token omat.

7 Cv kerratskvten omat, Cv'rkeu kerratskvnt os; momen mucv ayat kerratskes, momet hecatskvtes, Cesvs kicvtes.

8 Pucasē, Erken pu hecievs, momen pum etetayvres, Felvpēt kicvtes.

9 Cesvs kicvtes, Felvpē, hofune mahen ece 'pakvkit omvyat, hvte cv kerretskeko munke haks? estimvt cv

hecat Erken hecvtes; moman estomen, Erken pu heciçvs, maketske haks?

10 Vnet Erke vpikin, Erket vc vpikat vkvsvmetskeko haks? Opunvkv es ce tem punayvyat, vntvlket ce tem punayet omvkos, momis Erke vc vpikat, mvt vtotketv momecet os.

11 Vnet Erke vpikin, Erket vc vpikat vm vkvsvmvkes: monkat vtotketv mahusat svrahkvñ vm vkvsvmvkes.

12 Mehenwvn, mehenwvn ce kievkis, Estimvt vc oh vksamat, vtotketv momecvyat emeu momecvres, momet vtotketv heyv 'sen rakrvken momecvres, Cv'rken oh ayepikv.

13 Momen ñaket o estomen cv hocefkv ofvn vpohatskat, mvn momécares, Eppuce ofvn Erket vrvkkvren.

14 Naken cv hocefkv ofvn vpohatsken omat, momecares.

15 Vc vnokecatsket on omat, vm vhakv taken vcayecvkes.

16 Momen Erken emekusvpares, momen Emahlvpatv etv, ece 'pakvke emunkv taranen ce'mvkvres.

17 Puyvfekcv mehenwat, ekvnv hlvvteko tayat, hecekot omet, kerrekot omekv: momis centake kerratsket os, ece 'pvkvket omet, ece 'pikvket omvret ok.

18 Ce mahlvpvtkekon ce wihkvkos; cem vlvkvkares.

19 Hvtetusat ekvnv svñvcomvn cv hecekares, momis centaket cv hecatsket os; hesakvyet omikv, centaken hesahokatskvres.

20 Mv ncttv omof, vnet Cv'rke vpikin, centaket vc vpikatsken, vnet ece 'pikvkvyet omat kerratskvres.

21 Vm vhakv oce, vcayecat, mvt vc vnokecat tes: momen mv vc vnokecat, Cv'rket vnokecen, vnet vnokecet, em.e heckuecares.

22 Pucasē, estomēñ pum e heckuecat, ekvnvñ em e

heckuecvtanetskeko haks? Cutvse, Eskalevt tokot, kicvtes.

23 Cesvs em vyoposket kicvtes, Este vc vnokecet on omat, vm opunvkvn vcayecvres, momen Cv'rket vnokecen, oh vthoyet, pum vpoketv en hayeyvres.

24 Mv vc vnokecekat, vn uak maketv vcayecekot os; momen opunvkv pohatskat cvnake tokos, momis Erke vc vtotvte enaket omes.

25 Heyv nanvke es ce 'tem dunayvkvyat, hvte ece 'pakvkvye munkat okvyet os.

26 Momis Emahlvpatv, Puyvfekev Vcakat, Erket cv hocfkv ofv vtotvtanet, nanvke omvlkvn ce mvhayet, nanvke ce kicvkvyte omvlkvn ece 'kerricepuecvkrēs.

27 Herkvn cem wikkis; vn herkvn ce'mvkis; ekvnv estemat omēkon ce'mvkit omis. Ce feke cen naorvkates, momet cem penkahlvkates.

28 Ayepit, cem vlvkvkares, ce kicvkvyat pohatskis. Vc vnokecatsket on omat, ece 'fackvke taves, Erken oh ayis, makikv; Cv'rke vne 'svn rakket omekv.

29 Momen hiyomat cem onayvkit ohmis, hvte eshoyv-neko munken, eshoyahnof vkvsvmatskvren.

30 Heyv eryupv sulke ce tem punayvkvkares, heyv ekvnv em mekkot vlvkvranet, vc ofv naken ocekot omekv.

31 Momis Erke vnokecvye tat ekvnvt kerrvren, Erke vhakv v'mvte vcvkvye mahusan momecvyet os. Asvpvklvks, yvmvn enkvpahket, vpeyvkeres.

### SETENTVCKE 15.

VNET pvrko-em-vpe mehenwv toyin, Cv'rket vfastvt omes.

2 Elvce vc ofv ocat ettekat vtekat vkueyet omes; momet *elvce* ettat vtekat hysvtecet omes, ohvtvlaken ettvren.

3 Opunvkv es ce 'tem punayvkvyvte eteropotten hiyomat ce hvsvthvkvket omes.

4 Vc ofvn fekhonnvkes, vneu ec ofv take *fekhonnin*. Elvce em vpen vlvce emunket omekot, entvkat, etteko tayat etvpomen cemen vc ofvn fekhonnatskekon omat, *ettatskeko taves*.

5 Vnet pvrko-em-vpe toyin, cemet elvce *toyatskes*. Estimvt vc ofv fekhonnet on, vneu eme ofv *fekhonnvyet* on omat, matvwvt em ette sulken hayet omes; vnet ece 'pvkvkat naken estomatskeko tayet omekv.

6 Estimvt vc ofvn fekhonnet omekon omat, lvce omecet wihoken, yuknet omes; momen estet vteloget, totkvn tvkpvltaken, nokret os.

7 Vc ofvn fekhonnatsken, vm opunvkvt ec ofv taken fekhonnet on omat, naken maket, vpohatskis, mvt cem momvkvres.

8 Emette sulken ettakatskaten, heyv ofvn Cv'rke vrak-kuehocet omes; momatskofvt vn kerrepvlke toyatskvres.

9 Cv'rke vc vnokecvte etvpomen, vneu ece 'nokecvkvvtes; vm vnokeckv ofvn fekhonnvkes.

10 Vm vhakvn vcayecatsken omat, vm vnokeckv ofvn fekhonnatskvres: Cv'rke em vhakv vcayecvyvte, em vnokeckv ofv fekhonnvyat etvpomen.

11 Heyv nanvke es ce 'tem punayvkvyat, vm afvcketvt ec ofv taken fekhonnen, cem afvcketv taket esfvckvren okvyis.

12 Ece 'nokecvkvvte etvpomen, cemen etenokecatskvret, heyvt vm vhakvt omes.

13 *Este* en hessvlke vrahkv en hesaketv wvkecat, vnokeckv heyv es en rakkat nvpvt ocekot omes.

14 Nanvke ce kicvkvyan momecatsket on omat, vn hessvlke toyatskes.

15 Mucv vtekat vtotkviken ce kicvkvkos: vtotkvt e



pucase nake estomat kerrekot omekv; momis *vn* hes-svlken ce kievkvyet ohmis: nanvke Cv'rke *opunayen* pohvyvte omvlkv cen kerkuecvkvyvtet omekv.

16 Centat v'nhopoyatskekates, momis vnet ce'nhopoyv-kit, wiketv ce hayvkimvts, vpehyet, emette sulken etta-katskaten, cem ette take oce emunken, nake estomis cv hocefkv ofvn Cv'rke em 'pohatskat ce'mvkvren.

17 Heyv nanvke ce kievkvyet omes, etenokecatskvren.

18 Ekvnt cen homecvken omat, cen *homecvkeko* mun-  
ket, vne taten *vn* homecvtet omen kerratskes.

19 Ekvnv enake toyatsken omat, ekvnv enaken vno-  
kece taves, momis ekvnv aenkvpvken ce'nhopoyvkvyat  
omecicen, monkv ekvnt cen homecet omes.

20 Opunkv es ce tem punayvkvy, Vtotkv e pucase  
es en rakkekot omes, makvyvken ce hohsvkates. Vc  
assecakvten omat, cemeu ece'ssecvkvres; vm opunkv  
vcayecakvten omat, cem opunkv takeu vcayecvkvres.

21 Momis heyv nanvke omvlkv cem momecvkvres,  
cv hocefkv vrahkv, mv a'c vtotvten kerrvkekatet  
ok.

22 Vlahkit, ete'm punayvkvkaten omat, holwvyeckv  
ocvkekvnt omes; momis hiyomat holwvyeckv esohrvnk  
ocvkekos.

23 Estimvt *vnen* vn homecet on omat, Cv'rken en ho-  
mecet omes.

24 Vnet vpvkakit, vtotketv este-hunvnwv etv momecvte  
sekaten momecvkaten omat, holwvyeckv ocvkekvnt os;  
momis hiyomat Cv'rke eshokkoleyan, hokkolvn hecv-  
kvttet ot, pun homecvkvtes.

25 Momis *heyvt momēt* os, opunkv, Nake omecice  
sekon vn homecakvtes, em vhakv take ofv *make* es hocce  
ocat esohfvckvren.

26 Momis Emahlvpatv, mv Erke aenkvpvkei a cen

'totvranvkvyat, Puyvfekcv mehenwat, mv Erke aenkv-pakat vlakof, vc ohkerkuecvres:

27 Momen cemu ohkerkuecatskvres, enhvteceskv vteke vc vpakatskvttet okv,

### SETENTVCKE 16.

CE'LENTAPPUEHOCVKEKAREN heyv nanvke es ce 'tem punayvket ohmis.

2 Senekake take a 'sec ossicvkvres, momes, hvse-vkerkv vlvkvres, mv ce 'lecvkat vtekat, Hesaketvmese em vtotketvn momcet omis, komvres.

3 Heyv nanvke cem momecvkvres, Erke, momen vneu kerrvte sekot omakek.

4 Momis heyv nanvke cem onahyvki, mv hvse-vkerkv vlakof, cem onayvkvyvte vkerricatskvren. Momis enhvteceskv heyv nanvken ce kicvkvkomvts, ece 'pakvkikv.

5 Momis hiyomat mv a'c vtotvten oh ayis, momen hvmkatskis, Estvmvn ayetska? cv kicatskekoa.

6 Momis heyv nanvke ce kihcvkikv, feknokketvt ce feken cen fvcfakvk's.

7 Mome estomis, mehenwvn cem onayvkis: vyepvyate min es cem vmmomvkes; ayvkon omat, Mahlvpatv cem vlahkvkekot okv; momis ayepin omat, a cen 'totvkares.

8 Momen emet vlakof, naorketv, fvccetv, momet ohfvcceckv ekvnnv ohkerricvres.

9 Naorketv *ohkerricvres*, vc oh vkvsvmvkekokv.

10 Fvccetv *ohkerricvres*, Cv'rken oh ayepin, cv hecatskekaret okv.

11 Ohfvcceckv *ohkerricvres*, heyv ekvnnv em mekkot ohfvcceckv.

12 Nanvke ce kicvranvkvyat sulken ocvye munket omis, hiyomat kvwvpatskeko taves.

13 Mome estomis, Puyvfekcv mehenwat, emet vlakof,

mehenwv omvlkv 'seceykvres; entvlket opunayekaret okv; momis naken pohat, mvn opunayvres: momet nanvke vlvkvrnan ce hecicvkvres.

14 Emet vc vrakkuecvres; cvnake aossat en hecken, mvn ce hecicvkvret okv.

15 Nanvke Erke ocat omvlkv cvnaket's; momet okv, Cvnake aossan ehset, ce hecicvkvres, makit okvyis.

16 Hvtetusat cv hecatskekares; momen hvtvm hvtetusat cv hecatskvres, Erken oh ayepikv.

17 Hvtetusat cv hecatskekares: momen hvtvm hvtetusat cv hecatskvres; momen Erken oh ayepikv, heyv makat, naken pu kicet oke haks? en kerrepvlke *vpvlwvt* ete kicakvtes.

18 Momekv heyv, Hvtetuse, makat, naken *maket* oke haks? Naken maket okat kerrēkos, makakvtes.

19 Momen em 'pohetv eyacvket on Cesvs kerret, kicakvtes, Hvtetusat cv hecatskekares; momen hvtvm hvtetusat cv hecatskvres, makvyan, etempohatske haks?

20 Mehenwvn, mehenwvn ce kicvkis, Wahoket, hvkih-hokatskvres, momis ekvnv afvckvres: momen ce feke *cen* nokhokvkvres, momis ce feke *cen* nokhokvkvte afvcketv hakvres.

21 Hoke hopuewv heckuecvranat en nokket em vlakof, feknokket omes, en hvse-vkerkv vlakekv: momis hopuewv en hekat vpaken, nokke ehoses, estet ekvnvn hecan es vfackekv.

22 Momen centake momet okv ce feknokhokvkes, hiyomat; momis hvtvm ce hecvkares, momen ce feke take afvckvres, momen cem afvcketv este estomet ce 'konvh-hvkekos.

23 Momen mv nettv omof naken vm 'pohatskekares. Mehenwvn, mehenwvn ce kicvkis, Nake estomen cv hocfkv ofvn Erke em 'pohatsken omat, ce'mvkvres,

24 Naken cv hocfkv ofv vpohatskekon hiyomat oret os: vpohvks, momen cen heckvkvres, cem afvcketv take esfvckvren.

25 Heyv nanvke opvnnkv-svhopakvn es ce tempunayvkit ohkis; momis oketvt vlvkvres, svnvcomv opunvkv-svhopakv es ce 'tempunayvkvkot, momis Erke kērkusen ce hecievranvkvyat.

26 Mv nettv omof cv hocfkv ofvn vpohatskvres: momen, Erken cem emeksvpvkares, ce kicvkit okvkos:

27 Erke eme mahusat tis ece 'nokecvket ok, ve vnokecet, Hesaketvmesen aenkvpvket vtvyvte tat vkvsvmatskv-tet okv.

28 Erken aenkvpahkit, ymv ekvnnv vlvkvyet os: momet hvvmækvnnv wihkit, Erken oh ayis.

29 *Momen*, Hecvs, hiyomat kērkusen opunayet, opunvkv-svhopakv tokon opunayetskes.

30 Hiyomat nanvke omvlkv kerretske tat, momen este estomet cem 'pohekar tayet omen mucv mehenwvn kerres; Hesaketvmese aenkvpvketskvten heyvn es vkvsamēs, en kerrepvlket kicakvtes.

31 Cesvs em vyoposket, *kicvtes*, Hiyomat vkvsamatska?

32 Hecvkes, este enake vlken *oh ayet*, vwahvranatskat hvse-vkerkv vlakes, momes, hiyomat vlvkes, momet vntvlken cv wikatskvres: montomis vntvlkek's, Erket ve vpvket okv.

33 Heyv nanvke ce 'tempunayvkvyat, vne ofvn herkv ocatskvren okvyet os. Ekvnnv estemerkv ocatskvres; momis ce mahlvpvkvket omekvs; ekvnnv ohfvnkvyvtet os.

### SETENTVCKE 17.

HEYV opunvkv Cesvs opunahyof, e turwvn hvlwen vkvwahpet, makvtes, *Cv'rkē*, hvse-vkerkv vlvkes: Ce'p-pucen vrakkuvecs, Ce'ppuceu ece 'rakkuecvren:

2 Nvcomen emetskvte on omat, hesaketv yuksv-sekon emē tetayen enavpeswv omvlkv ohfvnken yekcetvn emetskvte etvpomen.

3 Momen, Hesaketvmese mehenwv hvmkusetskan ce kerret, momet Cesvs Klist mv vtotetskvten *kerrat*, heyvt hesaketv yuksv-sekat tes.

4 Ekvnnv ec oh vrakkuecvvyvtet omes; vtotketv momecv-ranvye v'metskvte poyis.

5 Momen, Aeha *Cv'rkē*, hiyomat ceme mahusan 'svc vrakkuecvs, ekvnnv seko emunke rakketv ece 'pake ocv-yvten.

6 Estē ekvnnv asosse v'metskvte ce hocfkv en kerkue-cakvyvtes: cenake tates, momen mvn v'metskvtes: momen cem opunvkv v'vayecvkvte omes.

7 Hiyomat nanvke omvlkv naket o estomis v'metskvte a ce'nkvpvkvte on kerrvkvte omes.

8 Opunvkv v'metskvte e'makvyvtet omekv: momen cenakuecvkvte omet, a ce'nkvpakvyvtet omen mehenwv kerret, a'e vtotetskvte omat vkvsvmvkvte omes.

9 Em emekusvpakis; ekvnnv em emekusvpvkvkos, momis v'metskvten; cenaket omakekv.

10 Momen cvnake omvlkv cenaket's, momen cenake cvnaket's; momen emetake ofv ve vrakket omes.

11 Momen hiyomat vnvcomvn ekvnnv arvkos, momis heyvt ekvnnv fulles, momen a ec oh atis. *Cv'rkē* vca-ketskat, ce hocfkv eteropotten mv v'mvketskvte vcvye-cvkv, pume omēt hvmkusvren.

12 Ekvnnv ofv vpvkakvyof, ce hocfkv ofv v'vayecvkv-yvtes: mv v'mvketskvte v'vayecvkvvyvtes, momen hvmkis sumkekos, sumketv e'ppuce tvlket, Cokat esohfvckvren.

13 Momen hiyomat a ec oh atis: momet heyv nanvke ekvnnv opunayis, emetake ofv vm afvcketvn esfvcken ocvkvren.

14 Cem opunvkv e'makvyvtes: momen ekvnvt en ho-mecvkvtes, ekvnv enanvke tokok, vnet ekvnv enake toyvkat etvpomen.

15 Ekvnv esossicetskvren emekusapit omvkos, momis holwakan enkvpyecicetskvren.

16 Ekvnv enake tokot omakes, vne ekvnv enake toyvkat etvpomen.

17 Cem mehenwv eteropotten vcacvken hvyvs: cem opunvkv mehenwv tes.

18 Cemet ekvnv a'c vtotetskvte etvpomen, vneu ekvnv vtotvkvyet os.

19 Momen emetake vrahkvv vcaken e hayvyet os, mehenwv eteropotten emeu vcacvke hakvren.

20 Momet heyv tvlken em emekusapit omvkos, momis em opunvkv eteropotte vc oh vkvsymvkvrnateu;

21 Entake omvlkv hvmkusvren; cemet, *Cv'rkē*, vc vpiketsken, vne ece 'pikvyat etvpomen, entakeu ep'ofvn hvmkusvren: a'c vtotetskvten ekvnvt vkvsymvren.

22 Momen rakkety v'metskvte e'makvyvtes, hvmkuseyat etvpomet hvmkusvren;

23 Vpikakin, vc vpiketsken, hvmkuse etemvpoke hakvkvren, momen a'c vtotetskvte tat, momet vc vnoke-cetskvte etvpomen vnokecvketskvte omat ekvnvt kerrvren.

24 *Cv'rkē*, mv v'mvketskvte estvmvn likvyat vc vpakvren komis, rakkety v'metskvte hecvkepvren; ekvnv hakeko munken vc vnokecetskvte omekv.

25 *Cv'rke* faccetskat, ekvnvt ce kerrekates, momis ce kerrvyvtes, momen heyvt a'c vtotetskvte tat kerrvkvte omes.

26 Momen ce hocfkv en kerkuecvkvvtes, momet kerkuecares, mv vnokeckv es vc vnokecetskvte vpikaken, vnet vpikakaren.

## SETENTVCKE 18.

Heyv opunvkvñ Cesvs opunahyof, en kerrepvlke vpaket ayet, Ketlvñ hvccucen tikvtes; mvñ cvpofucet ocet on, eme en kerrepvlke esyont esceyvtes.

2 Momen Cutvse mv wiyyat mv cvpofuce kerre tates, Cesvs en kerrepvlken vpaket mvñ etohkvke mahet omv-tet okv.

3 Momen Cutvse, *suletawv* etohkvke hvmken, momet este-en-wiketvñ, plest enhomvhhotvt, momet Falvsevlket en heckuecof, kulken, eto-kulecvkvten, momet setepokv ocvken, 'res orvtes.

4 Cesvs, nanvke eme oh vlvkvrñat omvkvñ kerret, oh ayet, Estimvñ hopoyatska? kicakvtes.

5 Em vyoposket, Cesvs, Nasvlvlkē, *kicakvtes*. Vnet *mv* toyis, Cesvs kicakvtes. Momen Cutvseu, Cesvs wiyyat vpvkakket huervtes.

6 Momen, Vnet *mv* toyis, kicakat vpakusen, vcekelleh-cet, ekvñvñ tvkpvlatkvtes.

7 Momen hvtvm em 'pohakat, Estimvñ hopoyatske haks? *kicvtes*. Momen, Cesvs, Nasvlvlkē, makakvtes.

8 Cesvs em vyoposket, Vnet *mv* toyvyat cem onahyv-kis; momekv cv hopoyatsken omat, heyvt vpeyepekvs, *makvtes* :

9 Mv v'metskvte hvmkis vñ sumkekos, make eme op-nayat esohfvckvren.

10 Momof Simv Petvt, eslafkv-cvpkon ocet ot, a esvtes, momet plest enhomahtv. hvlwat em vtotkv hvmken e hvcko vkvpervñ en tacvtes. Vtotkv e hocefkv Malkvs tates.

11 Cem eslafkv-cvpkon e hutēn vpikvs: sesketv Cv'rke v'mvte es eskvrñvko haks? Cesvs Petvñ kicvtes.

12 Momof kvpetvne, *suletawvlke* etohkvke hvmket, momen Cusvlke este-en-wiketv esyomat, Cesvs esahket, wvnayakvtes,



13 Momet Auvse taten 'soh vpeyvtes, Kiefvse em mahet omekv, *Kiefvset* mv ohrolopen plest enhomahtv hvlwat omen.

14 Momen, Kiefvset, Este-hunvnwv hvmket este em ele tayet ome omecet, Cusvlken 'semvhayat omvtes.

15 Momen Simv Petvt Cesvs vevkarvtes; momen en kerrepv etvt. Mv enkerrepv plest enhomahtv hvlwat kerre tates, momen Cesvs vpaket plest enhomahtv hvlwat en cuko-herv eceyvtes.

16 Momis Petvt fettvn vhauken vhuervtes, momen mv enkerrepv hvmkat plest enhomahtv hvlwat kerrat, ossvtes, momet hokte *mvnette* vhauke vhecican em punahyet, Petvn a ceyicvtes.

17 Momof mv hokte mvnette vhauke vhecicatet, Cemeu heyv hunvnwv en kerrepvlke *hvmkat* toyetskeko haks? Petvn kicvtes. *Mv* toyvks, makvtes.

18 Momen vtotkvke momen este-en-wiketv, kvsvppet okv, torawvn etecet, vsvpvklvtes, tvrraket: momen Petv mvn vpaket tarret, huervtes.

19 Momof plest enhomahtv hvlwat Cesvs, em mvhakvn, momet en kerrepvlken em vpohvtes.

20 Cesvs em vyoposket, Ekvnnv kērkusen em punayvyvtes; senekake ofvn, momet cuko-vcakat ofvn, mv Cusvlke estofis nvkaftan, mvhayvye munkvts; momet ehkuse naken makvyvte sekoš.

21 Estoman vm 'pohetske haks? vm vpohicakvten em 'pohvs, naken kicakvyvte; hecv, nake makvyvte kerrakes, *kicvtes*.

22 Momen hiyome opunahyof, este-en-wiketv vnkv svpaklat hvmket enke-tvpeksen Cesvs es nafkvtes, Plest enhomahtv hvlwat momēn em vyoposketske haks? maket.

23 Cesvs em vyoposket, Holwvken opunayin omat, hol-

wakan akerkuecvs: momis heren omat, estoman cv nafketske haks? *kicvtes*.

24 Momen Anvset *Cesvs* wvrvken Kiefvse plest enhomahtv hvlwan ohtotet omvtes.

25 Momen Simv Petvt tarret, huervtes. Monkuv Cemen en kerrepvlke *hvmkat* toyetskeko haks? *kicakvtes*. Momen ehelaksece, *Mv* toyvks, *makvtes*.

26 Plest enhomahtv hvlwat em vtotkvke hvmket, e hvcko Petv en tacvte en naket omet, Vpvketsken cvpofuce ofv ce hecvkv haks? *kicvtes*.

27 Monkuv Petv hvttm ehelaksecvtes; momen moman vpakusen tottoloset hkvtes.

28 Momof Kiefvse enkvrvken *Cesvs* fvccekv-cukon 'soh vpeyvtes; momen hvten tates; momen emetake fvccekv-cuko esceyekates, svholwvhokekot, momis ohhoyvkv *hompv* *hompvkepvret*.

29 Momekv Pilvtet osiyet, oh vyakvtes, momet, Vnrvpueckv estomen hayv este-hunvuvv vnrvpe es yicatske haks? *makvtes*.

30 Vhkv-kacv tokon omat, ye cen huericēkvnt os, em vyoposket *kicakvtes*.

31 Centake ehset, cem vhkv take vcvkvyen ohfvccecvks, Pilvtet *kicakvtes*. Momekv, Este eleceyvve vhkv tok's, Cusvlket *kicakvtes*:

32 *Cesvs* em opunvkv, elkv estomēn elvranat kerkuecet makat, esohfvckvren.

33 Momof Pilvtet fvccekv-cukon hvttm ceyet, *Cesvs* enhuehket, Cusvlke em Mekko toyetska? *kicvtes*

34 Heyv nake ceme mahusat maket oketske haks? monkat etimvt vc opunvycet cem onahoye haks? *Cesvs* em vyoposket *kicvtes*.

35 Pilvte vyoposket, Cusvlke toyvya? Cem etvlwv,

momen plest en homvhhotvt ye ce huericaket os; naken estometska? kievtes.

36 Cesvs vyoposket, Vm ohmekketv ekvnn enake tokot omes. Vm ohmekketv ekvnn enaket on omat, vm vtotkvlke tepoyakēs, Cusvlket cv 'sekaren; momis hiyomat vm ohmekketv yvmv vtē tokot omes, kievtes.

37 Momekv mekko toyetska? Pilvtet momof kievtes. Cesvs vyoposket, Mekko toyvyat, maketskes; heyv 'svrahkvn cv heckvtet omes, momet heyv omeccicen ekvnn vlvkvyvtet omes, mehenwv akerkuecaret. Mehenwv enake vtekat vm opunkv en hake vpohicet. omes, makvtes.

38 Naket mehenwvt o haks? Pilvtet kievtes. Momet heyv mahkof, hvtvm osiyet, Cusvlken oh ayet, Naket em mvtte tat eshecvkos, kicakvtes.

39 Momis es cem vpeyetvn ocatsket os, ohhoyvnkv omof hvnken cem enrecopykaren. Momekv Cusvlke em Mekkon cem enrecopykaren komatske haks? *kievtes.*

40 Momof omvlkv hvtvm huehkaket, Heyv hunvnwv token, momis Pvlapvsē, makakvtes. Momen Pvlapvse svpenkvlecv omvtes.

### SETENTVCKE 19.

MOMEKV momof Pilvtet, Cesvs ehset, tepkvtes.

2 Momen suletawvlket, eto-fvske kvpotokvn hotanet ekvn em oh licakvtes, momet kapv okholatten vceca-kvtes.

3 Momet, Cusvlke em Mekko toyetskate! maket, e'nken es nvfkakvtes.

4 Momekv, Pilvte hvtvm aosiyet, Hecvks, a's cem ossv-kis, naked em mvtte hvnkusis eshecvkat kerratskvren, kicakvtes.

5 Momof Cesvs, eto-fvske kvpotokvn es kvtopoyet,

momet kapv okholatten accet, aossytes. Momen *Pilvtet* Este-hunvnwvn hecvks, kicakvtes.

6 Monk v plest enhomvhhotvt, momen este-en-wiketv hecakof, huehkaket, Etohweklepkn svrvhvs, etohweklepkn svrvhvs, makakvtes. Pilvtet, Centaket ehset, etohweklepkn svrvhvks; vne em mvttten eshecvkot omekv, kicakvtes.

7 Cusvlket em vyoposkaketa, Vhakvn ocēs, momen pum vhakv vcvkvyen ele tayet omes, Hesaketvmese E'ppuce e hayet omekv, *makakvtes*.

8 Momekv Pilvtet, mv opunvkn pohof, svheremahen penkalvtes:

9 Momet, hvttm fvcceckv-cukon cehyet, Estvmvn atetska? Cesvn kicvtes. Momis Cesvs em vyoposkekates.

10 Momekv Pilvtet, Vm punayetskeko haks? Etohweklepkn 'sece 'rvhetv yekcetv ocit, ce'nrecopetv yekcetv ocvyat, kerretskeko haks? kicvtes.

11 Cesvs vyoposket, Vc vnrvpe yekcetv ocetskeko taves, hvlwe vten ce'mhoyekon omat; monkv ce homv cv huericat svhere mahen naorket os, *makvtes*.

12 Momen mv vteken, Pilvtet enrecopetvn ohvtvlaken komvtes: momis Cusvlke huehkaket, Heyv hunvnwvn enrecopetsken omat, Sesv en hesse toyetskekos; estimvt mekkon e hayat, Sesv vnrvpet opunayet omekv, *makakvtes*.

13 Momekv mv opunvkn pohof, Cesvs es ossytes, momet fvcceckv ohliketvn oh likvtes, Cvto-pvtihocvte kihocan, momis Hepluvlke em punvkv Kvparvt's.

14 Momen ohhoyvnkv etetakueckvt omen, hvse-vkerkv esepakat mahe tates. Momen Pilvtet, Cem Mekkon hecvks! Cusvlken kicakvtes.

15 Momis huehkaket, Esvyepvs, esvyepvs, etohweklepkn svrvhvs, etohweklepkn svrvhvs, makakvtes. Pilvtet,

Cem Mekkon etohweklepkvn svrahvrami haks? kicakvtes. Plest enhomvhhotvt vyoposket, Mekko ocēkos, Sesvt *mv* token omat, *makakvtes*.

16 Momof em wikvtes, monkv, etohweklepkvn svrahkvren. Momen Cesvs ehset, 'svpeyvtes.

17 Momen osiyet, em etohweklepkvn karonet, Estekvfune kicetvn oh ayvtes, Hepluvlke em punvkv Kalkorvt's:

18 Mvn etohweklepkvn svrvhakvtes, momet etv hokkollet vpaken, hvmkevlket etempalvsen, momen Cesvs en nvrkvpvn.

19 Momen Pilvtet eshocefat hoccihcet, etohweklepkvn svlicvtes. Momen hoccet, CESVS NASVLVLKE, CUSVLKE EM MEKKO, *maket* omvtes.

20 Momekv heyv eshocefat Cusvlke sulket hecakovtes, Cesvs etohweklepkv svrahoat tvlofv em vwoluset omekv; momen Hepluvlke, Klekvlke, Lomvlke esyomat em punvkv hoccet omvtes.

21 Momof Cusvlke, plest enhomvhhotvt, Cusvlke em Mekko makekon, momis, Cusvlke em Mekko toyis, makvtes, *maken* coyvs, Pilvten kicakovtes.

22 Pilvte vyoposket, Nake hoccicvyat hoccicit ohmis, *makvtes*.

23 Momof suletawvlket, Cesvs etohweklepkv svrvhahkof, em accvken cvwaket, tekvpvke osten hayakovtes, suletawv esvrahkv tekvpvke hvmkevlken: momet kapvn *cvwakvtes*; momen kapv etehorkv sekot, onvpv hvmkv yeshv-tapket tarket omvtes.

24 Momekv, Selahlecēkot, momis estimvt omvre esker-rvkeres, ete kicakovtes; Vm accvke etekvpicet, vn kapv estit omvre eskerrakvnkes, Cokv makat sohfvckvren. Momekv heyv nanvke *mahusan* suletawvlket momecakovtes.

25 Momen Cesvs e'cke, momen e'cke etecakkat, Mele

Tleofvse e *hiwv*, momen Mele Maktelv esyomat *Cesvs* em etohweklepkv tempen svpaklvtes.

26 Momekv *Cesvs*, e'cke momen enkerrepv *Cesvs* vnokecat v hueren hecof, *Hoktē*, ce'chuswvn hecvs! e'cken kicvtes.

27 Momof enkerrepvn, Ce'cken hecvs! kicvtes. Momen mv hvse-vkerkv vteken mv enkerrepvt evpayet, e *huten likvren* sayvtes.

28 Heyv eryupvn, *Cesvs*, nanvke omvlkv hiyomat esyukpokat kerrekv, Cv wvnhkes, makvtes, Cokat esfvc-kvren.

29 Momekv uetukse vcvnkf fvecket es likvtes; momen uepvtov uetuksen fvcehcet, momet hesvpen oh licet, e cukwvn em vcelicalvtes.

30 Momekv *Cesvs*, uetukse en hecikov, Esyukpokes, makvtes: momet e'kvn potoyicet, puyvfekcvn wikkvtes.

31 Cusvlket monkv, tetakueckvt omen, ena pvsatkat etohweklepkvn oh vtvtake munkekaren, (mv fekvpkv nettv nettv rakket omekv,) ele kvcehken, *ena* vkuehoyvren *Pilvten* em 'pohakvtes.

32 Momof suletawvlke yihcet, enhvteceskv *vtarkan* elen en kvcehyet, hymkateu vpake etohweklepkv svrahkat *ele* en kvceyakkvtes.

33 Momis *Cesvs* en yicen, entis elepvtet on hecakof, elen en kvceyvkekates.

34 Momis suletawv hymket cufunfvskan envcen 'sen sekeyvtes, momen moman vpaken uewv catv esyomet a fihnvtes.

35 Momen mv hecvte ohkerkueces, momen em ohkerkueckv mehenwe tes; momen mehenwvn opunayat kerret omes, vkvсаматскvren. •

36 E fune hymkukis kvcekekates, Cokv makat, esohfvc-kvren, heyv nanvken momechovyttet okv.

37 Momen, Mv sekeyakan hecvkvres, maket, hvtyv etvt coket omes.

38 Heyv 'renyupvn, Cose Alemetvlket, Cesvs enkerrepvt omen, momis ehken, Cusvlke em penkalat omecicen, Cesvs e'na vkueyvret Pilvten em 'pohvtes; momen Pilvtet *em* vkvsamvtes. Momekv vlahket, Cesvs e'nan 'sayvtes.

39 Momen Nekotemvseu, (mv enhvteceskv nere Cesvs em vlakvtet,) smvny, alo tohkvike vtarkv cukpe hvmtat mahen 'svlakvtes.

40 Momekv Cesvs e'nan esaket, hvnywely tvrken, esfv-mecickv vpvken es vpvllvyakvtes, Cusvlke en herickv vcvkvyen.

41 Momen etohweklepkv svrahkan cvpofuce tates, momen cvpofuce ofvn sepvkv mucvse este wvkechoyvte sekot ocvtes.

42 Momekv myn Cesvs wvkecakvtes, Cusvlke *e* eteta-kueckv *nettvt* em ocet on, momen sepvkv vwoluset omekv.

#### SETENTVCKE 20.

NETTVCAKUCÉ nettv enhvteceskvn, hvten, yomuckuse emunken, Mele Maktelv sepvkvn vlaket, cvto sepvkv vkueyihocen hecvtes.

2 Monkv letket, Simv Petvn, momet enkerrepv etv, Cesvs vnokecan em vlaket, Pucasen sepvkvn aossicet vkueyihoces, momet estvmvn wvkechoyat kerrēkos, kicakvtes.

3 Momekv Petvt enkerrepv hvmtau tepaket wolket, sepvkvn vlahokvtes.

4 Momof hokkolvt etepvket tokorken, enkerrepv hvmtat, Petv letkat emuntalet, en homvn sepvkvn 'rorvtes.

5 Momet; ohcunehket, hvnywely tvrke accvke tvk kaken hecvtes, momis ceyekates.



6 Momof Simv Petvt vcvkayet, vlakvtes, momet seplkv  
kvn cehyet, hvnvwelv tvrke accvke tvk kaken hecvtes.

7 Momet, enockuce ekv vpvllakvte hvnvwelv tvrke  
accvke vpakekot, momis tulpuket entvlket etin kaken  
*hecvtes.*

8 Momekv momof mv enkerrepv hvmkat, mv tate  
seplkv 'rorat, ecehyet, hecvtes, momet vkvsamvtes.

9 Cokv, Pvsatkan a en kvwvpkvrant os, makat hvte  
kerrvkekokv.

10 Momof enkerrepvlket hvttm e hute taken vhoyvtes.

11 Momis Melet hvkihket, seplkv fettvn v huervtes;  
momet hvkihkof, ohcunehket, seplkv ofvn *vfvnnakvtes*,

12 Momet encelvke hokkolet, hvtkc accvket, Cesvs e'na  
wakkvten kaken, hvmket ekv likvtén liken, hvmkatet ele  
kakkvten liken hecvtes.

13 Momen, Hoktē, Estomen hvkihketska? kicaken, Cv  
Pucasen vkueyihocen, estvmvn wvkechoyaten kerrvkat  
omecices, kicakvtes.

14 Momen hiyomen opunahyof, fulotkat, Cesvs hueren  
hecvtes, momis Cesvs tat kerrekates.

15 Hoktē, estomen hvkihketska? Estimvn hopoyetska?  
Cesvs kicen; emet, Cvpofuce vfastv tes, komet, Pucasē,  
cemet etimvn 'sayetskvten omat, estvmvn wvkecetskat,  
vm onayetsken, vkueyares, kicvtes.

16 Cesvs, Melē, kicen, a oh fulotiket, Laponi, kicvtes,  
mvt Mvhayv maketvt's.

17 Cv celahyetskvs, hvte Cv'rke kvwvpkvkot emun-  
kekv; momis vm etecakketvlken oh vyvs, momet Cv'r-  
ken, Ce'rke take, momet vn Hesaketvmesen, cen Hesa-  
ketvmese take kvwvpkvyan, em onvyvks.

18 Mele Maktelv vlaket, Pucasen hecvyis, momen heyv  
nanvken es cv tempunayis, en kerrepvlken kicakvtes.

19 Momen mv nettv etvwn, nettvcakuce *nett* enhv-

teceskvt omen, yafkof, enkerrepvlke, Cusvlke em penkv-lvket, vhaue vkhothoken, nvkaften, Cesvs vlakvtes, momet, nvrkvpvn hueret, Herkvt cem ocvkekvs, kicakvtes.

20 Momet, hiyomen punahyof, enken, e'nvcen tepaket hecvkuecvtes. Momekv enkerrepvlket, Pucasen hecakan, afvckakvtes.

21 Momof hvtvm, Herkvt cem ocvkekvs: Cv'rke vc vtotvte etvpomen ece 'totvkis, Cesvs kicakvtes.

22 Momet heyv mahkof, oh hesaket, Puyvfekv Vcakat cen heckvkekvs, kicakvtes.

23 Estimv en naorketv es em wikatskat, es em wikaket omes, momet estimv en *naorketv* vfekhonnicatskat, vfekhonnaket omes.

24 Momis Tamvse, Tetemvse kihocat, pale hokkolohkat hvmkatet vpvkvkekon, Cesvs vlaket omvtes.

25 Momekv enkerrepvlke vpvltaket, Pucasen heceyvns, kicakvtes. Momis, E'nken vcopy svrahkvten hecit, vcopy svrahkvten cv'nkewesakvn vpikvkon omat, momet e'nvcen cv'nken vpikvkon omat, vkvsahmvkos, Tamvset kicakvtes.

26 Momen nettv cenvpake renyupvn hvtvm enkerrepvlket ofvn vpoken, Tamvseu vpvkakvtes: Cesvs vlaket, vhaue vkhothokepen, nvrkvpvn hueret, Herkvt cem ocvkekvs, makvtes.

27 Momet Tamvsen, Ce'nkewesakvn rvtosecet, cv'nken hecvkvs: momet, ce'nken rvtosecet, cv'nvcen vpikvs: momet vkvsvmkv ocekot huyiretskvs, momis vkvsvmet, kicvtes.

28 Momen Tamvse em vyoposket, Cv Pucase, momet vn Hesaketvmesē, kicvtes.

29 Tamvsē, cv hecetskekv, vkvsahmetskes: hecvkekis, vkvsvmakvte en herakes, Cesvs kicvtes.

30 Momen mehenwvn, nakeskerkv etv sulke, heyv nak-

cokv ofv hoccvkekat, Cesvs momecakvtes, en kerrepvlke en renakv ehomvn.

31 Momis, Cesvs, Klist tot, Hesaketvmese E'ppuce tat vkvsvmatskvren, momet vkvsamet, e hoccfkv eteropotten hesaketv ocatskvren, heyv nanvke coket os.

### SETENTVCKE 21.

HEYV nanvke renyupv, Cesvs hvtvm enkerrepvlken em e heckuecvtes, vkhvse Tipelevs *hoccfkan*: momet hiyomēn em e heckuecvtes.

2 Simv Petvt, Tamvse Tetemvse hoccfkat, Neranevl, Kalvle *ekvuv*, Kenv *tvlofv* aossat, Sepete e'ppuce *take*, momen en kerrepvlke etv hokkole etohkvkvtes.

3 Momen Simv Petvt, Rvropokvn ayis, kicaken, Pumeu ece 'cvkvpēyēs, kicakvtes. Asosiyet, lvpken perro-cukon resceyvtes; momet mv veren naken esvkates.

4 Momen hvyvtikof, Cesvs lvpvtken huervtes: momis enkerrepvlke Cesvs tat kerrvkekates.

5 Momof, Hopuetakē, hompetvn ocatske haks? kicaken, Monkos, em vyoposket kicakvtes.

6 Momen, Perro-cuko em vkvpervn hoyv vk wikkvs, momet eshecatskvres, kicakvtes. Momekv vk wikakvtes, momet momof, rvro sulke mahat omecicen, asossiceko tayvtes.

7 Momekv enkerrepv Cesvs vnokecat, Pucase tes, Petvn kicvtes. Momen Petvt Pucaset omaten pohof, (enatvlket omekv,) rvro-poyv en kapvn vciiyet, e wvnahket, vkhvsen e vk wikkvtes.

8 Momis enkerrepvlke vpvllwvt, perro-cuko cotken vtehket, es yievtes; (lvpvtke en hopvyekot, kupetv cukpe hokkolvteke en *hopvyet* omekv,) hoyv rvron es vk sopotecakvtes.

9 Momet lvpvtken es yicat vpakusen, totkv-torawvn hecakvtes, rvrot oh ocen, momen tvklike.

10 Rvro hvte poyatskat es vvvkes, Cesvs kicakvtes.

11 *Momen* Simv Petvt ahyet, hoyv rvro rakrvke fvcken, lvpvtken 'res vcayvtes, cukpe hvnken pale cahkepen tutcenohkaken: mómen, en sulke momis, hoyv vhopvnkekates.

12 Ahwet, hompvks, Cesvs kicakvtes. Momen enkerrepvlke hvinkis, Esti toyetska? kice em 'pohetvn eyacvkekates, Pucaset on kerrakekv.

13 Momof Cesvs vlaket, tvkliken ehset, e'makvtes, rvro matvpomen.

14 Momen Cesvs pvsatkat a en kvwvpkvte renyupv enkerrepvlke em e heckuecat, heyvt 'svtutcenat tes.

15 Momekv hompahkof, Simv, Convse e'*ppucē*, Heyv 'sen hoyvnen vc vnokecetske haks? Cesvs Simv Petvn kicen, Petvt, Henka, Pucasē, ece 'nokecvyat kerretskes, kicvtes. Vn yvpefikucen hompvkuecvs, Cesvs kicvtes.

16 Hvtvm svhokkolvn, Simv, Convse e'*ppucē*, vc vnokecetske haks? kicen, Henka, Pucasē, ece 'nokecvyat kerretskes, kicvtes. Vn yvpefikvn hompvkuecvs, *Cesvs* kicvtes.

17 Svtutcenvn, Simv, Convse e'*ppucē*, vc vnokecetske haks? kicen, Petvt, Vc vnokecetske haks? svtutcenvn kicekv, e feke en nokket, Pucasē, nak omvlkvn kerretskes; ece 'nokecvyat kerrusetskes, kicvtes. Cesvs kicvtes, Vn yvpefikvn hompvkuecvs.

18 Mehenwvn, mehenwvn ce kicis, Ce mvnnettusof, e wvnaket, estvmvn kometskat yvkapetskvtes; momis ece 'cule hakof, ce'nken rvtosecetsken, *este* etvt ce wvnayvres, momet estvmvn kometskekat *sece* 'yvres.

19 Elkv eštomēn Hesaketvmese 'svrakkuecvranat oket,

heyvn makvtes. Momen hiyomen opunahyof, Vc vcvkv-yvs, kievtes.

20 Momof Petvt afolotkat, mv enkerrepv Cesvs vnokecat, mv, hompakof, Cesvs e hokpen vccaket, Pucasē, mv ce wiyyat, estit o haks? makvte, vcvkayen hecvtes,

21 Monkv Petvt mvn hecet, Pucasē, momen heyv este-hunvnwv naken *estomvr* haks? Cesvn kievtes.

22 Fekhone munken vlvkaret komin omat, mvt cem estoma? cemet vc vcvkvyvs, Cesvs kievtes.

23 Momekv heyv opunkv, Mv enkerrepv elekares, makat, etecakkvte em etenrvwn pohkvtes. Momis Cesvs, Elekares, makekot, momis, Fekhone munken vlvkaret komin omat, mvt cem estoma? makvtes.

24 Heyvt mv enkerrepv tes, heyv nanvken kerkuecet, heyv nanvken hoccicat; momen em ohkerkueckv mehen-wet on kerrēs.

25 Momen nanvke etv sulket ocakes, Cesvs momecakovtet, momat, momecakovte vtekat cohoyen omat, nakcokv cohoyat ekvnt tis facke hoyvne taves, komis. Emen.